

ልኡክ ሕክሙት ኤረትሮፕ እት ዓደት ቀብር ርኢሰ ኩብ ለዐለ ፌዴል ካስትሮ ሻርክ

ውቁል ልኡክ ሕክሙት ኤረትሮፕ እት የም 4 ዲሰምበር እት ገብአት ዓደት ደፍን ርኢሰ ኩብ ለዐለ ፌዴል ካስትሮ ሻርክ።

ለእግል ወዘር ካርጅየት አሰይድ ዑሰማን ሳልሕ ወመሰኡልሸኡንሰያሰትጀብህት ሽዕብየት እግል ደመቅራዋየት ወዐዳለት አሰይድ የማኔ ገብረኣብ ለከምክም ወቁል ልኡክ ሕክሙት ኤረትሮፕ እት



እት መዲነት 'ሳንትያጎ ኩባ' ለገአ ዓደት፡ እብ ሰሜት ሽዑብ ወሕከሙት ኤረትሮፕ ሕዝብ ሸርሐ።

ርኢሰ ኩብ ለዐለ ፌዴል ካስትሮ እት የም 25 ኖቨምበር እት 90 ምን ዕምሩ ክምሰል ትወፈል ልትፈቀድ።

ኩባ እብ ማርሒት ፌዴል ካስትሮእግልዘያድ50ሰነትእት ረኢሰ ለትቀረረ መንዕ ወክርዶን እንዴ ከህለት ወጋብህት።

እስትቅላለ ወሰያደት እቱ እግል ተሓፍዘ፡ ክምሰለሁመ እት አከዶት ዐዳለት እጅትማዕየት አሳሰ ትሩድ ለከረ ዐውቴታት እቅትሳድ ለሰርገለት ዐድ ተ።

ውቁል ልኡክ ሕክሙት ኤረትሮፕ እት ኩብ እት ጸንሐ እት መደት፡ ምሰል ለትፈናተው ሰብ-ሰልጠት ናይለ ዐድ እንዴ ትራክብ እት ጠወሮት ዐላቀት ሽራክት ክምሰል ለህድግ ተአመረ።

ሰለሰ ዲሰምበር እድንያይት አምዕል ምስኩናም ትዘክር

3 ዲሰምበር እድንያይት አምዕል ምስኩናም” መዓወት ምሓብር ወጠን ዲብ ክሉ መጃላት ሓለት ተ” እብ ትብል ሰቅራት እብ ደረጀት ወጠን ዲብ አሰመራ- ቃዕት ኤክሰፖ ትዘክረት።

ዲብ ሰብ-ሰልጠት ሕክሙት ወጀብህት እትክምሰልሁመ ዐዘመት ለገብአት እግሉም ጋሽ ለሐድረወ ዓደት፡ ወዘር ዐመል ወራዕየት እጅትማዕየት አሰይድ ካሕሳይ ገብርሂወት ዲብ አሰምዐየ ከሊመት፡ ዲብ ሐልፈየ ናይ ሕርየት ሰኖታት ዲብለ ትፈናተ መጃላት ለትሳወ አብዮት ምስኩናም እግል አከዶት እት በርናምጃት አትሐደሮት እብ ገብእ ለጸንሐ በርናምጃት፡ ፈህም ወፈሃዕት ማዕየ ሰበት ዐበ ለተአትናይት ዐቦት ከም ትረክበት አከደ።

እግል ምስኩናም ለትገብእ መራዕየት ወሰዳይት ደማንት ኖሰ እንዴ ጠወረው ርሐም ለቀድሮ እብ ቴለል አጥፍሐት ክም ቱ እንዴ ሐበረ ወዘር ካሕሳይ፡ ምሓብር ምስኩናም፡ ሕክሙት ለሀብቶም

በክት እብ እንዴ ትገኛዎው፡ እብ ትደረሰ ወለትዝመ ምቅያሰ እግል አፍረዮት አንፋር እግል ልሸቀዩ፡ መጅተማዕ ህዩ ዲብ ባልሐት ተሐድያት እምስኩናም እብ ፈሃዕት እግል ልሻርክ ትላኩ።

ወኪል መዝመት አጀኒት መዝመት መጅልሰ ቅራን (ዩኒሴፍ) ዲብ ኤረትሮፕ ዶክተር ፔሬ ኑጎም እብ ጀህቱ፡ ኤረትሮፕ ዲብ ራዕዮት ወአትሐደሮት ምስኩናም ናይ መደት ረያም ተጃርብ ለበ ደውለት ክም ተ እንዴ ሐበረ፡ እድንያይት አምዕል ምስኩናም ህዩ እሊ

ለተአክድ ክምተ ሐበረ። ለዓደት እብ ናይ ዓዳት ወፈን በርናምጃት ጋምለት ዐለት።

እድንያይት አምዕል ምስኩናም እብ ደረጀት ዓለም እግል 25ይት ኢነት፡ እብ ደረጀት ወጠን ህዩ እግል 21ይት ኢነት ትዘክረት።



ፈርዕ መሕበር ወጠን አዋልድ አንሳት ጋሽ

በርክ እጅትመዕ ጌማም ወዴ

መሕበር ወጠን አዋልድ አንሳት ኤረትሮፕ ፈርዕ አቅሊም ጋሽ-በርክ እት ሰነት 2016 ለሰርገለዩ ወራታት እንዴ ጌመመ ጀዋንቡ ፈዳብ እቱ እንዴ ሓፈዘ ነዋቅሱ እግል ሸነት አግደ ህዩ እት አትፋዘየት፡ ነዘዋት ወአደቀቦት መቅደረት አንፋር እቱ ለረከዘ በራምጅ ሸቁል ረተቡ።

እት ምን የም 30 ኖቨምበር አሰክ ሄለል ዲሰምበር እት መዲነት ባርንቱ ለገአ ጌማም፡ መሰኡለት ፈርዕ አሰይደ

ደሕደጋ የውሃንሰ እት አሰመዐተ ከሊመት፡እብ ፍንቱይ እት በርናምጅ ነዘዋት ደረሰ እት መሕበር ካድም ሰኒ ክምሰል ትሰርገለ ሸርሐት።

አሰይደ ደሕደጋ እንዴ አትሌት፡ ምቅደረት ምህናት አዋልድ አንሳት እግል ጠወሮት ወአደቀቦት ለተሀየበ ተእሂል ለትትሐመድ ፍገራት ክም ትረክበት ምት ወደሐት።

እት ገአ ህድግ ምሰል ሰብ-ሸርክት እብ ዓማት፡ እዳራት፡ ጅብህት

ሸዕብየት፡ ወዛረት ተዕለም፡ ወዛረት ዓፍየት፡ ወዛረት ዐመል ወደማንት እጅትማዕየት ውበዕድ አጅሀዘት ለትሰርገለ ወራታት ዶር ዐቢ እት ሰርገል ናይለ በራምጅ ክም ዐለ እሊ አፍሀመት።

እት ድዋራት ዴርሴይ ወማይ-ቁቃሕ ለትሰርገለ ወራታት ሸቲል፡ ክምሰልሁመ ዐዋዲ ዴራይ እግል ሸነት ለገአ ተውዕያት ዝያድ እግል ልተላሌ መትፋቀዲ ቀርቡ።




ከበር ወፋት

ዳዳሰ ካቶሊካይት ቤት ክስታን ኤረትሮፕ ለዐለ ብጽኡ አቡኔ ዘካርያሰ የሓውን ዲብ የም 1 ዲሰምበር ዲብ 91ይት ሰነት ምን ዕምሩ ትወፈረ።

ዓዳት ቀብሩ ህዩ ፈጅር ሰንበት ንኢሸ 3 ዲሰምበር ሰር አምዕል ዲብ ዐዲ-ዜኑ-አቅሊም ግብለት እግል ትግባእ ቱ።

ዲብ ሰነት 1981 ሸመት ዳዳሰ ለነሰአ አቡኔ ዘካርያሰ፡ ምን ሰነት 1984 አሰክ 2001 ዳዳሰ ዘመንበሬ አሰመረ፡ ምን ሰነት 2001 ህዩ ልሂቅ ዘመንበሬ አሰመረ እንዴ ገብአ ከድመ።



A wide-angle photograph of a formal meeting in the European Parliament. Several men in suits are seated at a long table, facing each other. The room features blue walls with the European Union flag and the text 'europarl.eu'. The foreground shows the backs of several audience members seated at desks with microphones and laptops.

78 2



ሐጪር ሽርሕ ቃኑን ጋራት ሽክሰዩት

1ይ ክፋል መእተዩ

ቃኑን ጋራት ሽክሰዩት “ወድ አዳም እንዴ ትወለድ አስክ መይት ሕቁቅ ወዋጅባት ቡ” እበ ልብል ሽርጥ ለአኑብት። እት ቃኑን ሽክሰዩት ክልኦት መፅነት ቡ። ለሰልፋይት እግለ ወድአዳም ለትህሌ ሽክሰዩት እት ትጉብኤ። ለካልኦይት ህዩ ቃኑን ሽክሰዩት ለሰህይባም ጀሃት ትከሰሱ። ሽክሰዩት ወድአዳም ሽርሕ ለለትሐዘያ ኢኮን። እግለ መክሉቅ ላቱ አዳም ጠቢዒ ትከሰሱ። ለቃኑን ሽክሰዩት ሽልቀ ‘ሽክሰዩት ለም ጀሃት’ ላኪን ሽርሕ ለሐዘ። እለ ሓራት ሽክሰዩት ለም ጀሃት። መእሳሳት ዲብእንቶም ቃኑን ከም አዳም ጠቢዒ ሽክሰዩት እንዴ ሀበ ለፈርገም ቶም። ከዲብ ቃኑን ጋራት ሽክሰዩት ዶል ንትሃኔ እብ ሰበት ክልኤ ጅንሰ ሽክሰዩት ንትሃኔ ክም ህሌን አምሮት ምህምቲ። እትሊ እንዴ ተለ ለልትቀደም ክቴብ እግል ሽክሰዩት ናይለ ጠቢዒ አዳም “ወድአዳም” እግል ኒበሉ ቲ። ወእግለ ቃኑን ለሽልቅ ሽክሰዩት ለም ጀሃት ህዩ “ቃኑን ለሽልቅ ሽክሰዩት ለም ጀሃት” እግል ኒበሉም ቲ።

ቃኑን ጋራት ሽክሰዩት፡ ዲብ ቃኑን ‘ሽክሰዩት’ ለትትበህል ሚተ? ለአግዳ ሕቁቅ ወድአዳም ሚቲ? ዲብ ቃኑን ወድአዳም ለልትበህል እብ ሚ ልትፈረግ? ቢቃጥ። ወድአዳም ልግሸ ወቃኑን ሽክሰዩት ለሀይባም ጀሃት ሃለዮቶም እብ ቃኑን ለትኣትካርም እብ አግቡይ ሚመሰል? ዲበ ልብሉ አሰእለት ለበልሰ ቃኑን ቲ።

ቃኑን ጋራት ሽክሰዩት፡ አዳም ለልትበህል ሚ ክምቲ። ወምሰሉ ለገደሰ ብዕድ ጋራት ሚ ክም መሰል ሰበት ለአፍህም። እለ ቃኑን እለ ኦሳሰ ናይ ኩሉ ለብዕድ ቀዋኒን ቲ እግል ልትበህል ቀድር። ለብዕድ እግል ዓይለት፡ ወርሱ እትፋቅዩት ወለመሰሉ ጋራት ከሰሰ ቀዋኒን ኦሳሰ እለ ቃኑን ሽክሰዩት ቲ። ሽክሰዩት ምንሚ ትትኸለቅ ወእብ ከፎ ተኣትካርም ሐቀለ አመርካ ቲ። እብ ሰበት ብዕድ ዕላቃት እግል ትህደግ ለትቀድር።

1. ወድ አዳም

ክመ ዲብ መእተዩ ለትከከራ ቃኑን ጋራት ሽክሰዩት ክልኤ መፅነት ቡ። እትሊ አርእሰ እግለ ናይ ጠቢዐት መክሉቅ ላቱ አዳም ለቡተ ሽክሰዩት ለሽሰሰ ጋራት እግል ንህደግ ቲ።

ለናይ ጠቢዐት ሽክሰዩት ለቡ ወድ አዳም ሀለዮቱ እብ መትወላድ ተኣኑብት። ወድ አዳም “ትወላደ” እግል ልትበህል ህዩ። ምን ድርጽ ዋልዳይቱ እብ አርወሐቱ እግል ልፍገር ቡ። ምናተ ቃኑን መሰለሐት ናይለ ልትወለድ ጅን እግል ለአድምን እተ ለአትሐዘ እቲ አውካድ፡ ጅን ልሳዕ እት ድርጽ ዋልዳይቱ እት እንቲ ከም ነፈር ታምም (ክም ወድአዳም) እግል ልርእዩ ቀድር። እለ በህለት፡ እት ገሌ ሓላት ጅን እንዴ አልትወለድ ወቀደም ሐዶት እድዝ ለአኑብት ከም ታምም ነፈር ልትፈርግ በህለት ቲ። እግል መሰል፡ አብ ዎሮት ጅን ላቱ እናሱ እሲቱ ዐምሳት ዲብ እንተ ምን መይት፡ እብ ቃኑን ወርሱ ለውሉድ ህለ ጅን ወለልሳዕ ዲብ ድርጽ ለህለ ጅን ክልኤቶም እግለ እብ ሞት ለትፈንተ አብ እግል ልውረሰ ሐቅ ቦም። ቃኑን ጋራት ሽክሰዩት፡ እግለ ዲብ

ድርጽ ለህለ ለይትወለደ ጅን መሰለሐቱ እግል ለአድምን፡ እንዴ አልትወላድ ክም ታምም ነፈር ፈርገት በህለት ቲ። ከአብ ኦሳሰ እለ ቃኑን ጋራት ወርሰ አሰክ ለዲብ ድርጽ ህለ ጅን ልትወለድ ትታኪ በህለት ቲ። ለጋራት ወርሰ ሕርሰ ክም ትታኪ ለትጉብኤ እቡ ሰቡብ ህዩ። ለጅን እብ አርወሐቱ ሐቅ ትወለደ ሌጠ ሰበት ወርሰ ቲ። ማይት ሐቶ ትወለደ ኩሉ ልልታቱ ዐለ ሕቁቅ ሰበት ለአትካርም፡ ከም ታምም ነፈር እንዴ ትፈረገ እግል ልርከቡ ለዐለ እግሉ ሕቁቅ እግሉ ለአትካርም። ምን እለ መባልሰ እለ ክመ ንፍህመ፡ ቃኑን ጋራት ሽክሰዩት፡ እግል ለአትወለደ ጅን ክም ታምም ነፈር እንዴ ፈረገ አሰክ ልትወለድ ልታቱ ከ እብ አርወሐቱ ሐቅ ትወላደ ሕቁቁ ሓፍዝ እግሉ ጸንሕ። እብ አርወሐቱ ሐቅ ኢትወለደ ላኪን ከመ ኢዐለ ሰበት ልትሐሰብ። ለጉብኤ ልግሸ ሕቁቅ አለቡ።

ወድአዳም ዲብ ቃኑን ለልትፈርግ እቡ፡ በህለት ምን እብ ቃኑን ሽክሰዩት ለትትሀይባም ጀሃት ለፈንትፍ፡ ጋራት ህሌ። እት ረአሰለ ናይ ጠቢዐት ፍንቲቲ። ወድአዳም እብ ስሜቲ፡ እብ ዕለት ተውሊደቱ (ሚላዱ)፡ እበ ለትብር እቲ ዳር ሰከት፡ እበ እዳረት ለትሀይቡ እቲ ወሳይቅ አው ሰነድ ሀውዩት እግል ልትፈረግ ቀድር። እለ ለትከከረት ሐብሬ ለሀህይብ አሻይር እቡ ሀውዩት አው ምንት ናይ ወድአዳም ትትፈገረግ። እለ ሐብሬ እለ ሐቅ ኢትረከብ ህዩ። ሽዋህድ እንዴ ቀደምከ ሀውዩቱ ትትኣከድ። እት ረአሰ እለ ህዩ፡ ተውሊደት አው ሞት ናይ ወድአዳም እት ‘መደንያይ ሰነድ ሕሽመት’ እግል ትትኣከድ ትቀድር። ‘መደንያይ ሰነድ ሕሽመት’ ለልትበህል እብ ሐቲ ሰልጠት (ሰላሕዩት) ቃኑን ለበ ጀህት ለልትሰጀል ሰነድ ተውሊደት፡ ህዳይ ወሞት ቲ። ክእን ለትመሰል ሰልጠት ለበ ጀህት ለትከርዩ ሰነድ እበ ትቀድሙ እሰባት ህዩ ሀውዩት ወድአዳም ትትኣከድ።

አግደ ሕቁቅ ወድአዳም

ክመ ዲብ መእተዩ ለትከከራ ቃኑን ጋራት ሽክሰዩት “ወድ አዳም እንዴ ትወለደ አሰክ መይት ሕቁቅ ወዋጅባት ቡ” እት ልብል ለአኑብት። እለ በህለት፡ ወድአዳም ለትፈናተ አፍረዐት ቃኑን ለሀይቡ እቲ ሕቁቁ ወዋጅባቱ ምን ለትወለደ እተ አምዕል ለአኑብት፡ ወምን አምዕል ሞቱ ህዩ ኩሉ ለሕቁቅ ወዋጅባት ለአትካርም በህለት ቲ። ለክእን መሰሉ ሕቁቅ ወዋጅባት ወድአዳም፡ ዲብ መደንያይ ቃኑን ዲብ ቃኑን ጃንኤ፡ ዲብ ቃኑን ትጃረት ወብዕድ አፍርዐት ቃኑን እተ ከምሰልሁ ህዩ ዲብ ለትፈናተ አዋጃት ወመምሬሕ ወሰቅ (ሰጃል) ልትረከቡ። ገሌ ምን ሕቁቅ ወዋጅባት ዎሮት ንፈር ናሱ እግል ልትበረዩም ለቀድር ምንመ ቶም ገሌ ላኪን እብ ቃኑን ምን ኢለአትካርም ዳይማም ወለይልትብደሉ ቶም።

እት መደንያይ ቃኑን ኤረትርዩ ክጥይ ለህለ አግደ ሕቁቅ ወሐርዩት ወድአዳም እሉም ለተሉ ከምክም፡

□ እግለ ቃኑን ለልአዳምኑ ሕቁቅ ሽክሰዩት ለልትዐዴ ምን ቃኑን በረ ላቱ መትኦታታይ ዶል ሳድፍ፡ ለሕቁቁ ትከዩደ ነፈር እግለ ምን ቃኑን በረ ላቱ መትኦታታይ እግል ለአትካርም ወልብጠር ለጠሰብ ሰኣል አው ሽክወት እግል ልቀደም ሕቅ ቡ።

□ ሐቅ ድድ ሐደዶት ሕሩዩት

ወድድ ተፍቲሽ

□ ሐርዮት ሐርዮን አካን ሰከን

□ ዳር ሰከን ዎሮት ነፈር እብ ብዕዳም እግል አልትከዩድ (እግል አልትዐደው እቲ) እብ ቃኑን ሕሹም ቲ። ቃኑን ዓፃባይ ሕሽመት ዳር ሰከን ክም ቲ።

□ ሐርዮት አፍካር

□ ሐርዮት ዲን

□ አሰክ ዲብ ሕቁቅ ብዕዳም ኢትዐደው፡ ኩሉም አንፋር ወራታቶም እበ እለ ሐረው ገበይ ወብሰር እግል ልሰርግሎ ሐቅ ቦም።

□ ሐቅ አዚም፡ ኩሉም አንፋር ናይ ኢመትሃጋይ አው ናይ አዚም ሐቅ ቦም።

□ ሐቅ ህዳይ ወሕድጉ፡ ኩሉም አንፋር እግል ልህደው ወልሕደጎ ሐቅ ቦም።

□ ሐቅ አድመናት መንገፍ ኩሉ ከፈፍል ገርብ ወድአዳም

□ ሐቅ ሐዶት ብሐተ፡ አዳም ሰራቲ (ኩሉ ጅንሰ ሰወር ወተምሳል) እምበል ምራዱ (እምበል እጃዘቱ) እግል ልትኸር ኢወጅብ።

□ ሐቅ ዐቂብ ምስጢር፡ አዳም ምስል ብዕዳም ለለትባደሉ ልእኮታት ወሐብሬ እግል ልትቀለዕ ወልትርኤ ኢወጅብ።

ቃኑን ጋራት ሽክሰዩት እግል እለ ለትከከረ አግደ ሕቁቅ ወሐርዮት ለከሰሰ መባደኦ ኦሳሰ ካራቲ።

1. መሳዋት አግዳ ሕቁቅ ወዋጅባት - ኩሉም አንፋር እምበል ፈናታይ አክል ሕድ ላቱ ሕድ ለሹቡህ ሕቁቅ ወዋጅባት ቦም። እለ በህለት፡ እት መትኦፊዶት ለአግደ ሕቁቅ ኩሉም አንፋር እምበል ፈናታይ ጅንሱ ሉቀት፡ አሰል፡ ዲን፡ ዕምር፡ ማሕበሪይ ደረጀት መንገፍ (ራክብ ወሓግል) ወብዕድ መቀዩሰ አክል ሕድ ቶም።

2. ለጉብኤ ነፈር፡ እግል አድመናት መሳልሕ ሕበር እንዴ ትበህለ እብ ቃኑን ኩቡቲ አሰክ ኢረከቡ እት መትኦፊዶት ለአግዳ ሕቁቅ ወሐርዮት እብ ምራዱ እግል ልትናዘል አው ሕዱድ እግል ሊዴ ኢቀድር። ሕቁቁ ወሐርዮቱ ለለትክሰ እትፋቅዶት ለወዴ ነፈር ለእትፋቅዶቱ እቲ ቃኑን ኩቡቲ አለቡ። ለአግዳ ሕቁቅ ወሐርዮት ወድአዳም ኢልትከበው ወኢልትብድሉ።

አድመናት መንገፍ ከፈፍል ገርብ ዎሮት ምን አግደ ሕቁቅ ወድአዳም ሰበት ቲ። ዎሮት ነፈር እብ አርወሐቱ ዲብ እንቲ (እንዴ ኢመይት)፡ ኩሉ ገርብ ልግሸኦ ወገሌ ምን ከፈፍል ገርቡ እግል ብዕዳም እግል ለሀብ ለወድዩ አትፋቅዩት እብ ዕን ቃኑን ኩቡቲ አለቡ። እለ ለኢልትሰመሕ እቡ አሰባብ ህዩ። ክእን ለመሰል ከፈል ገርብ ለልኦትክሰ ምስዳራት ዲብ ወድአዳም ለሰብጠ መደረት ወዲብ መጅተመዕ እግል ልሽልቀ ለቀድር አከይ-ህተ ዲብ ወግም ለልኦቱ ቲ። ምናተ ለከፈፍል ገርብ ናይ ዐደዮት (በድሉት) ምስዳር እብ መኤምረት ዓፍዩት ኩቡቲ ለበ ሐቅ ለጉብኤት እት ገሌ-ገሌ ሓላት ቃኑን እግል ልሰመሕ ቀድር። እግል መሰል፡ ደም ክፈል ገርብ ምንማ ቲ። ዎሮት ዐፋይ ነፈር ደም እግል ብዕዳም እንዴ ሀዩ ዲብ ነፍሱ ለትመጽእ መድረት ክም ኢትሀሌ እብ መኤምረት ዓፍዩት ለትኣከደ ሰበት ቲ። አዳም እብ ምራዱ እግል ብዕዳም ደም እግል ለሀብ እብ

ቃኑን ስሙሕ ቲ።

ሕድ እበ ሹቡህ እግል መሳልሕ ሕበር፡ በህለት መሰለሐት ሽዑብ እግል አድመናት፡ እበ ፈግር ቀዋኒን አዳም ፍሕስ ገርብ እግል ሊዴ ወእት ፍድኢት (ተዋሂም) እግል ልትጀበር ቀድር። እለ ለሰራተ አዳም እት ገርቡ ሐቅ ታምም ሰበት ቡ። እግል እት ነፍሱ ጉብኤ ፍሕሱ ዐመልዮት ወሰራይ እግል ልትቃወም ቀድር።

ወድአዳም ሕቁቅ ናይ ብሕተ ሐዶት ቡ። ቃኑን እበ ጅብረ ገበይ ምን ኢጉብኤ አዳም ሐርዮቱ እክድት ቲ። ሐርዮት አንፋር ለከይድ፡ ወተፍቲሽ ለትወዴ እቶም ጀህት እግል ተህሌ አለቡ። እት ረአሰ እለ ኩሉ ነፈር ለትብር እት ኦካን እግል ልሕራ ሐርዮት ቡ። ወእተ እለ ሐዘ እግል ልቀደርመ ሐቅ ምን ሕቁቁ ቲ። ቃኑን እበ ሀይብ ሐብሬ አሰክ ኢጉብኤ ህዩ። ለጉብኤ ልግሸኦ ነፈር እት ዳር ሰከን ነፈር ብዕድ እንዴ ተዐደ እግል ልኦቱ አው ተፍቲሽ ሊዴ ኢቀድር። ሐቅ-ብሕተ ዳር ሰከን እብ ቃኑን ሕሹም ቲ። ምን ሕቁቅ ሐዶት-ብሕተ እንዴ ዶንፈግር እግል ነኦምረ ለብክ ጋራት ብዕደት ህዩ። ጋራት ዐቂብ ምስጢር ቲ። ጀዋባት ወብዕድ ልእኮታት እምበል ምራድ ኬትባዩም እግል ልትረኤው ኢወጅብ። ጸቡዋ ጀዋባት ወብዕድ ልእኮታት እምበል ምራድ ኬትባዩም እግል ልትርኤ ክም ኢወጅብ መደንያይ ቃኑን ኤረትርዩ እብ ዋድሕ ካሪሁ ምን ህለ ጋራት ቲ። ምናተ እለ ጀዋብ አው ልእኮት ለትከቡት ነፈር፡ እብ ገበይ ቃኑን መሳልሕ ክምቡ ሐቅ አከደ እግል ጸቡዋ ጀዋብ እት ቀደም ቤት ፍርድ እግል ለቅርቡ ቀድር። ከአብሊ፡ ሐቅ-ሐዶት ብሕተ ብዕዳም እንዴ ትዐዳክ ልእኮታት (ጀዋባት) ብዕዳም እምበል ምራዶም ወእጃዘቶም ቅርኦት እጅራም ክም ቲ እግል ነኦምር ብ። ሕድ እበ ሹቡ። ሰወር ናይ ብዕዳም አንፋር እምበል ምራዶም ወእጃዘቶም እግል ዕፌ ቀደምት፡ አትባዘሐት ወንሸረት፡ ወእተ ክምሰልሁ አዘቡዩት ከም ኢልትሰመሕ እግል ንፍህም ብ።

ወድአዳም እብ ሐርዮት እግል ልፈክር፡ አፍካሩ ወረኢዩ እግል ልሽረሕ፡ ወለሐረዩ ወራት እግል ልሰርግል ሐርዮት ቡ። እለ ለትከከረት ጅንሰ ሐርዮት፡ ሕቁቅ ብዕዳም እሰክ ኢኬደት ወመሳልሕ ገበል እሰክ ይኣዘኑት እግል ልተምትመ ለይእለቡ ቲ። እብ ብዕድ እንክር ህዩ። ወድአዳም እግል ልእዘም ሐቅ ቡ። እብ ጅብር እግል ልትሃኔ እንዴ ትቀሰቡ ድቁጣት እንዴ ጉብኤ እቲ ለልብሉ ክም እዕትራፍ አው ተእዩድ እት ዕን ቃኑን ኩቡቲ አለቡ። እግል ልእዘም ለሐረ ነፈር ሐቅ ሕፋዝ ቲ።

ምስል እለ ለትከከረ አግደ ሕቁቅ ወሕሩዩት፡ መደንያይ ቃኑን ኤረትርዩ ሐርዮት ዲን ለሀይቡ፡ ዲብ ኤረትርዩ ለትብር አንፋር እብ ገበይ ቃኑን ዲብ ልተበዕወ ድያናት ለጉብኤ መትኦታታይ ኢጉብኤ እቶም። እለ ሐርዮት እለ እግል ትትዐቀብ ላኪን ለዲን ወራታት ዕጣዶት እግል ሀደፍ ሰዮሰት ለከድም፡ ወመሰከላት መጅተመዕ ለኢሐምርግ አሰክ ኢጉብኤ ቲ።

ወድአዳም ለልትፈረግ እበ ሐብሬ

ሐቲ ምን ወድአዳም ለልትፈረግ እበ አግደ ሐብሬ ‘ሰሜት’ ቲ። እብ ኦሳሰ መደንያይ ቃኑን ኤረትርዩ ታመት ሰሜት ናይ ዎሮት ነፈር፡ ሰሜቲ፡ ሰሜት አብሁ ወሰሜት አብዕቡ ትከምክም። ሰሜት አብ

ዶል ልትበህል ሰሜት ለአብሁ ልትፈርግ እባቲ፡ ወናይ አብዕብ ህዩ ሰሜት አብዕቡ እብ-አብ ቲ። ሰሜት ጅን እብ ዋልዴት እግል ትትህዩቡ ትቀድር። አብሁ ምን ኢልትአመር ህዩ ለእም እግል ትሰመዩ ትቀድር። ዋልዴት ለኢትአመረው ጅኑ ዲበ ለትረከብ እቲ ባት ልምድት ላተ ሰሜት እብ በዐል መዝ ‘መደንያይ ሰነድ ሕሽመት’ ትትህዩቡ። ለትጸአረ ጅን ህዩ፡ ሰሜትላ ጸእረቲ ዓይለት ነሰኤ። ሰሜት አብ ወኡብዕብ ናይለ ጸእረዩ ነፈር ትትህዩቡ በህለት ቲ። እብ ኦሳሰ ለእትፋቅዩት ጸኢር ህዩ ሰሜት ሓዳሰመ እግል ልትህዩብ ቀድር። ዎሮት ነፈር ሕኔት ስም አብዕብ ሰሜት ዓይለት አው ፈረዕ እግል ተህሌ እግሉ ትቀድር። ክእን ለትመሰል ሰሜት ዓይለት አው ፈረዕ እት ኦካን ሰሜት አብዕቡ ለከሰኦ ነፈር፡ ለሰሜት ዲበ ህቲ ወልዶም እግል ተኣተላሌ ቡ። ዎሮት ነፈር ሰሜት ዲብ ሐዶት ለሀለው ሐወ ወሐዋቱ እግል ትትህዩቡ ኢትቀድር። አዳም ሰሜቱ እግል ልቀደር ምን ለሐዘ እብ ቃኑን ስሙሕ ቲ። ዲብ ቤት ፍርድ ጠሉብ ሐቀለ ቀደመ፡ ለቤት ፍርድ ሰቡብል ቀደሮት ሰሜት ለለአተግንዕ ክም ቲ ሐቅ አከደት ሰሜቲ፡ ሰሜት አብሁ ወሰሜት አብዕቡ፡ አው ህዩ ሰሜት ዓይለቱ አው ፈረዕ እግል ልቀደር ትሰምሕ እግሉ።

እምበል ሰሜት ብዕደት ወድአዳም ለልትፈረግ እበ ሐብሬ፡ ዕንዋኑ አው ኦካን ሰከት ቲ። ወድአዳም ሐቲ እምርት ኦካን ሰከን እግል ተህሌ እግሉ ቡ። ኦካን ሰከት ለትትበህል ለትብር እት ኦካን በህለት ቲ። እብሊ ኦሳሰ ዎሮት ነፈር ምን ሐቲ ወለዐል ኦካን ሰከን እግል ተህሌ እግሉ ትቀድር። ዳይመት ኦካን ሰከት ለትትበህል፡ እግል ክል ዶሉ እንዴ ሐረዩ ዳሩ ለአሰሰ እት ወመሳልሐ ለዐቅብ እት ኦካን ቲ። ከአብሊ እት ለትፈናተ ኦካናትመ ምን ኑብር ሐቲ እምር ክም ዳይመት ዳር ሰከት ለትትፈርግ ኦካን ቡ በህለት ቲ።

ዎሮት ነፈር መሕበራይ እንክር ሐዶቱ ለመርሕ እቲ፡ እብ ምህቲ ለትተከለ እት አው ምስል ጸዋሁ ወኢቃርቡ ለትበረ ኦካን ከም ዳይመት ኦካን ሰከት ትትሐሰቡ። እብ ሽቅል ለገደሰ፡ እግል ዶሉ ለልሐድሩ ኦካናት ህዩ ክም ሰከት ምንመ ልትአመር ከም ዳይም ሰከት ኢልትርኤ። እግል መሰል፡ ዎሮት እብ ወራታት እሰትሰግር አሰክ ኤረትርዩ ለመጸ ወድ ኢጣልያ፡ ዓይለቱ እንዴ ከምከመ እት ሐቲ ምን መዳይን ኤረት

አዋጅ ዕልብ 178/2016

ግብር ምን እትይ ሐርስ ብሩር ወንዋይ እግል አከቦት ለፈግረ አዋጅ

ማደት 1 - አርእስ ሐጪር

እሊ አዋጅ እሊ ምን እትይ ሐርስ ብሩር ወንዋይ ግብር እግል ልትአከብ ለፈግረ ዕልብ 178/2016 እንዴ ትብህለ እግል ልትሀደግ ቀድር።

ማደት 2 - ለትሸጠበ ቀዋኒን

ግብር ምን እትይ ሐርስ ብሩር ወንዋይ ለፈግረ አዋጅ ዕልብ 63/1991 ክምስሁመ ለአስክ አዜ ልሸቄ እቡ ለጸንሐ እት ግብር እትይ ሐርስ ብሩር ወንዋይ ፈጽሞ ለጸንሐ እሎም አዋጃት፡ ቀዋኒን ወመምርሒታት ክሎም እንዴ ትሸጠበው፡ እብሊ እሊ አዋጅ እሊ፡ ወእብ አሳሱ ለፈግረ ቀዋኒን፡ ብዱላም ህለው።

ማደት 3 - ተርጀመት

መአቲቶም ተርጀመት ብዕደት ለሀህዩበ ምን ኢጉበኤ፡ ዲብ እሊ አዋጅ እሊ፡

1. ዲብ “ወራታት ሐርስ” በህለት እግል እትብር ለህለ አርድ እብለጉበኣት ገበይ ሐሪስ አው ዐመሮት ለጉበኣ ጅንስ እክል አፍረዮት ወንዋይ አንሰሱት በህለት እት ጉበኤ፡ እግል እሎም ለተሉ ላኪን ኢክምክም፡ ሀ/ ዕጩ ወደበዕ እት ሰናዐት ዕጩ አውዐሉት ለ/ እግል ፈርዖት ሐርስ ሰነዖት አው በደሉት

ሐ/ እብ አሳስ ቃትን ትጃረት ኤረትርዮ ዲብ ወራታት ትጃረት ለትሰጀለ እብ ትጃር አው መአሰት ትጃረት ለወዱ አው ሸቁቶም እንዴ ትበላው ለልትአመሮ ወአግደ ሸቅሎም ምስል ሐርስ ወአግመሉት ዕጩ እንሰሱ ሐ አው ቀተርት ምድር ጋምል ለልጸበዋ ብዕድ ወራታት አትጋዮሉት ቲ።

መ/ እት መዓል ቤት ለልውዕል አንሰሱን ንዋይ

2. “ወዚር ወውዛረት” በህለት ውዚር ወውዛረት ማልዮት በህለት ቲ።

3. “መክተብ እትይ ቀበት ዐድ” በህለት ግብር ምን እትይ ሐርስ ብሩር ወንዋይ እግል ተአክብ እብ ወዚር መዝ ለተሀዩበዩ ሀይኣት በህለት ቲ።

4. “መአክዛይ ግብር” በህለት ግብር ምን እትይ ሐርስ ብሩር ወንዋይ እግል ተአክብ ምን መክተብ እትይ ቀበት ዐድ መዝ ለተሀዩበት ሀይኣት በህለት ቲ።

5. “አርድ ብሩር” በህለት ምን እዳረት አው ድዋራት መዲነት ፋግር ለልትረኩብ ለጉበኣ ምድር በህለት ቲ።

6. “ንዋይ” በህለት እግል እንሰሱ ሐ፡ መጽዕን አጣል ወአግዕ በህለት ቲ።

7. “ቅደስ አርድ እበ ከሰስ” ሀ/ ምር ሄክታር በህለት አርበዕ ጽምድ ብዕራይ ለልውዕል አርድ ሐርስ በህለት ቲ። ለ/ ሰለስ ርቡዕ ሄክታር በህለት ሰለስ

ጽምድ ብዕራይ ለልውዕል አርድ ሐርስ በህለት ቲ።

ሐ/ ሰር ሄክታር በህለት ክልኣት ጽምድ ብዕራይ ለልውዕል አርድ ሐርስ በህለት ቲ።

መ/ ርቡዕ ሄክታር በህለት ምር ጽምድ ብዕራይ ለልውዕል አርድ ሐርስ በህለት ቲ።

ጅዙእ 2 ግብር እትይ ምን ሐርስ ብሩር

ማደት 4 - ጌመሞት ወገቤ ደፊዕ ግብር

ለጉበኣ ነፈር እብ በይነ አው እብ ሐሽም

1 ሐርስ አቦይ-ክበሮይ እግል ሊዴ (አርድ) ለተሀዩበ እግል ህለ እሉ ምን ክል ምር ሄክታር 150 ነቅፈ. (ምእት ወሕምስ ነቅፈ.) ናይ ሰነት እትይ ግብር አርድ ደፊዕ።

2 ምን ሐርስ አቦይ-ክበሮይ በ'ረ ሩክሰት ትጃረት ሐርስ ለይተሀዩበ ላኪን ጠቢዐት ትጃረት ለቡ ወራታት ሐርስ ለወዴ፡ ዲብ ረኣስ እለ ማደት ንኢሸ

1 ለልደፊዕ ወሱክ እግል ርቦዕ ሄክታር 150 ነቅፈ. (ምእት ወሕምስ ነቅፈ.) ናይ ሰነት እትይ ግብር አርድ ደፊዕ።

ጅዙእ 3

ግብር ንዋይ

ማደት 5 ጌማም ወአግቡይ ድፍዐት ግብር

1 እምበል ዋባይ ግብር ንዋይ ዲብ ክል ሰነት ምን ክል ረኣስ ልደፊዕ።

2 ግብር ክል ረኣስ ንዋይ ዲብ የመሞት እብ ዕልብ እግል አከዶት እትለ ኢልትወጢ እቱ ቴለል፡ ለትየመመት ልጅነት ዐድ እበ ተሀይቡ ተቅዩም ልትየመም።

ማደት 6 ቅደስ ግብር

ግብር ንዋይ እብ አሳስ ሰቡረት ሀ እብ ክእነ ተሌ ልደፊዕ፡

ሰቡረት ሀ ግብር ምን እንሰሱ ሐ፡ አፍሩሱ አብቁል አዱግ አጣል ወአግዕዕ

ዕልብ	ጅንስ ንዋይ	እግል ክል ረኣስ ንዋይ ለልትደፊዕ ግብር
1	እንሰ	100 ነቅፈ.
2	ኢዩ አፍሩስ ወአብቁል	50 ነቅፈ.
3	አዱግ	25 ነቅፈ.
4	አጣል ወግዕዕ	13 ነቅፈ.

ጅዙእ 4

ናይ ሕበር ቢዮናት

ማደት 7 ወቅት ደፍዕየት ግብር

1 እብ ከረም አውለት ወቀላቅሎታት ምውዳቅ ጸሓይ ለልትነፊዕ ሐረስታይ

ቅስም ሐቲ ዓም

ወበዐል ንዋይ ዲብ ክል ሰነት ምን ሄለል ወሬሕ ዲሰምበር አስክ ግርቡት ወሬሕ ፈብራይር ዲብ ህለ ወቅት ፍይሔ ለልትነፊዕ እቡ አርድ፡ ለህለ እሉ ጅንስ ውበዝሔ ንዋይ፡ ልጅነት ዐድ እብ አሳስ ሰቡረት ለየመመተ እሉ ግብር ደፊዕ።

2 እብ ዝላም አውል ለልትነፊዕ ሐረስታይ ወበዐል ንዋይ ዲብ ክል ሰነት ምን ሄለል ወሬሕ ግርስ አስክ ግርቡት ወሬሕ ማዮ ዲብ ህለ ወቅት ለልትነፊዕ እቡ ርሕብ አርድ ወጅንስ ውበዝሔ ንዋይ፡ ልጅነት ዐድ እብ አሳስ ዲብ ሰቡረት ለህለ አግቡይ፡ ለየመመቱ እሉ ግብር ደፊዕ።

ማደት 8 አግቡይ የመሞት ወአከቦት ግብር

1 የመሞት ወአከቦት ግብር ምን ወራታት ሐርስ እብ ደረጃት ዐድ እብ መስኡል ዐድ ውበዕዳም ክልኣት እብ ዐድ ለትመዘዘው ሸማግለ ጉበኤ።

2 አግቡይ የመሞት ወአከቦት ግብር ወዚር እበ ለአፈግሩ ቀዋኒን ልሸረሕ።

ማደት 9 ሐቅ ይግባይ

1 ሐረስታይ አው በዐል ንዋይ ምን ናይ ሐርስ ወራታት ለትየመመ እሉ ግብር፡ ኢዋፈቀ እቱ ምንጉበኤ፡ ምን እግል ልድፊዖ ለትየመመ ዲቡ ግብር 5% እንዴ አጽበጢ፡ ምን ትየመመት እሉ ዕለት እንዴ አምቡተ ዲብ ቀበት ሰስ አምዕል፡ ዲብ ምዴርየት ኮሚሶን ግብር ናይ ይግባይ ሸክወት እግል ለአቅርብ ቀድር።

2 እብ አሳስ ንኢሸ ማደት 1 ናይ እለ ማደት እለ ይግባይ ለኢቤለ ሐረስታይ፡ አው በዐል ንዋይ፡ ለትየመመ እሉ ግብር ናይ ደንገበ ወክቡት እንዴ ትነሰኣ፡ ክምስል ልትፈጸም ጉበኤ።

3 ሀ/ መክተብ እትይ ቀበት ዐድ አው ይግባይ ልትብል ጀህት እብ ናይ ምዴርየት ኮሚሶን ግብር ይግባይ ለተሀዩበ ቀራር ናይ ቃትን ተርጀመት ጌገ ህለ ዲቡ ለትብል እምነት ዶል ተህሌ እሎም፡ ምን ቀራር ለተሀዩበ ዲብ ዕለት እንዴ አምቡተ፡ እት ቀበት 6 አምዕል፡ ዲብ ቤት ፍርድ አቅሊም ሸክወት ይግባይ እግል ልቀድሞ ቀድር።

ለ/ ምን እለ ማደት እለ ንኢሸ ማደት

ሰለስ (ሀ) ለተሀደገ ይግባይ እግል ሊበል ቀድር። እብ ናይ ምዴርየት ኮሚሶን ግብር ይግባይ ለትቀረረ ክሉ እብ ተማም ክምስል ደፊዕ ሌጠ ጉበኤ።

ሐ/ ቤት ፍርድ አቅሊም እግል ዳፍዓይ ግብር ለለኣይድ ቀራር ተሀይቡ፡ ለዝያደት ትደፊዕ ማል ለአቀብል።

መ/ ቀራር ቤት ፍርድ አቅሊም ናይ ደንገበ ይግባይ ለኢልትበህል ምኑቲ።

ማደት 10 ቅራመት

ሐረስታይ አው በዐል ንዋይ ለትየመመ እሉ ግብር እግል ልድፊዕ እት ወቅቱ ዶል ኢደፊዕ፡ ዲብ ክል ወሬሕ ዐስር ምን ምእት (10%-50%) ናይለ ትየመመ እቱ ግብር ለትበጹሕ ቅራመት ትጉበኤ እቱ።

ማደት 11 አግቡይ ፈጽም ቅራር

1 ሐረስታይ አው በዐል ንዋይ ለትየመመ ዲቡ ግብር እግል ልድፊዕ ንዩት ዶል አለቡ፡ ዲብ ምጅልስ ዐድ እንዴ ትሸክ ዲብ ቀበት 15 ምዕል ለልትሐዜ ምኑ ግብር ምስል ቅራመቱ ደፊዕ።

2 ዲብ እለ ማደት እለ ንኢሸ ማደት ሐቲ ለተሀዩበ ቀራር ለይኣትመመ፡ ቀራር ምን ተሀዩበ ዲብ ዲብ ቀበት 15 ምዕል ዲብ መሕከመት ድጌ እግል ፈጽም ልትሸከ።

3 ምጅልስ እት ኢወዴት ዐድ ሳድፍ ዶል ህሌ፡ እግል ፈጽም ዲብለ ቀርቡት መሕከመት ድጌ ልሸከ።

ማደት 12 ጀዘ ጀሪመት

1 ለጉበኣ ሐረስታይ አው በዐል ንዋይ

ሀ/ ታምም ወዋጅበት ሐብሬ ለኢህቤ ግብር እግል ኢልተአክብ ለዐንቀፈ፡ ሐብሬ እግል ለህብ ንዩት ለአለቡ አው ሐብሬ ሐሰት ለህበ እብ አሳስ ቃትን ጀሪመት ኤረትርዮ ልጃዜ።

2 እብ አሳስ ንኢሸ ማደት ሐቲ ናይ እለ ማደት እለ ለልትቀረር ጀዘ ጀሪመት እግል ልደፊዕ ወጅቡ ለዐለ ግብር፡ አው ቅራመት እግል ትሸጡብ አው እግል ትንቀስ ኢትቀድር።

ማደት 13 አበል (ፍሬ ተዕባት)

1 እብ ደረጃት ዐድ ግብር እግል ተአክብ ለትመዘዘት ልጅነት፡ ዐውል

ተዐባተ 10% ምን ኖስ ለአከቡቲ ግብር ክም አበል (ፍሬ ተዕባት) ምን መክተብ እትይ ቀበት ዐድ አው ህቱ ለወከለዩ ጀህት ትደፊዕ።

2 ዲብ እለ ማደት እለ ንኢሸ ማደት ሐቲ ለተሀደገ፡ አበል ለልፊዕ ለለሐዜ ግብር እብ ተማሙ እግል መክተብ እትይ ቀበት ዐድ ክም ተሀዩበ (እትይ ክምስል ጉበኣ) ሐቀለ ተአከዳቲ።

ማደት 14 መስኡልየት ፍንቲት

ሓክም አቅሊም ዲብ አቅሊሙ ግብር ምን እትይ ሐርስ ብሩር ወንዋይ ናይ አከቦት መስኡልየት ታመት ብእቲ።

ማደት 15 ሰልጠት ወዚር

1 ወዚር እግል ፈጽም ናይ እሊ አዋጅ እሊ ለከሰስ ቀዋኒን እግል ለአፍግር ቀድር።

2 ወዚር እብ አሳስ እሊ አዋጅ እሊ ግብር እግል ልድፊዕ ለትቀረረ እሉ ዳፍዓይ ግብር እብ ምስምስ ብቅዕት፡ እብ ተማሙ አው ገሌ ክፈሉ እግል ልሕደግ እሉ ቀድር።

3 እብ ሰቡብ ናይ ሓለት ጀው ናይ ጠቢዐት አው ኡዳም ለሰበብዩ ብቅት ሐረስቶት አው ሱብ ንዋይ ዲብ ቀበት ሐቲ ሰነት እግል ልድፊዕ-ም ለወጅቦም ግብር፡ እግል ልድፊዖ ክም ኢቀድሮ ወዚር ዶል ለአምን ምስል ወዚር ሕኩማት ኢቃሊም እንዴ ትጋመ እብ ተማሙ አው ገሌ ክፈሉ እግል ልሕደግ እሎም እት ሕኩመት እንዴ ቀደመ ክም ልትቀረር እሉ ጉበኤ።

ማደት 16 መዐደዩ ቀዋኒን

እሊ አዋጅ እሊ ዲብ ዐመል እንዴ ኢልውዕል እግል ልደፊዕ ወጅቡ ለዐለ ግብር እትይ ምን ሐርስ ብሩር ወንዋይ እንዴ ኢደፊዕ ለጸንሐ ሐረስታይ አው በዐል ንዋይ፡ እብ አሳስ ልሸቄ እቡ ለጸንሐ ቀዋኒን ደፊዕ።

ማደት 17 አዋጅ እት ዐመል ለልውዕል እቱ ወቅት

እሊ አዋጅ እሊ ምን ሐቲ ዲሰምበር 2016 እንዴ አምቡተ እት ዐመል ልውዕል።

አስመረ ሐቲ ዲሰምበር 2016

ሕኩመት ኤረትርዮ



ሽፈ ሹም ዑመር፡ ፊራሮ ሶይረ - ቆሐይቶ

እሊ እብ መናሰቡት 25ይት ሰነት ተሕሪር ለትኩተብ ክታብ “መፈጸምታ” በህለት ካቲመ “ሽፈ ሹም ዑመር፡ ፊራሮ ሶይረ - ቆሐይቶ” እብ ልብል ኦርጸስ ሰለሞን ድራር ለከትቡ ቅሶት እግል የም ሳልፋይ ክፋለ እግል ንርኢ።

ጀብህት ሽዕብየት፡ ለበርናምጅ ወቅት እንዴ ኢትነሰእ እት ፍዕል እግል ተውዕሎ ትበገሰት። ለአርወሐቶም ኖሰ ተትዐግቦም ለዐለት መስኦሊን ናይለ መጦር አባይ ለተዐንደቀው ወላድ ዐድ፡ ታሪኹም እግል ለትሐድሶ ገለድ በአው። ክምሰልሁመ “ለሰለሰ አርካን!”። ጃሽ ሽዕብየት ዲብለ ፅሰኩራም እት ለህለው አካን ርሳሰ “ቶግ!” ትቤ ምንገብኡ፡ እት ዶሎም መንገሉት እግል ልክሰቶ እሉ ክምቶም አተፈቀው። እብ ጀህት ግብለት መስኦል ሰለለ አቅሊም ግብለት ለዐለ ምናድል ፍሰሃይ

ሽቅል እግል ልግበኡ። ጸሃይ መኮነን (ወዲ-መኮነን)፡ ደባብ ወመዳፌዕ እንዴ ጸብጦ፡ እብ ትግራይ እንዴ ጠው፡ ዐዲግራት ወዘለምበስ እግል ልብጸሕቲ። ወያኔ ዲቡ ደባባት እግል ለአጸንሐ እግልናቲ። ብርጌድ 96 ምን እለ እግል ትትዐዴቲ። አሰክ እለ ለተዐደየ ክልኤ ቦጦሎኒ ኮማንዶ ምን ጸርን አሰክ ዘለምበስ እግል ልፍገራቲ። ናይ ዜሮ ሳዐት ክምሰል ተሐበረቶም ህዩ ክሎም እንዴ ትመቅረሐው ምን ዘለምበስ እንዴ ትበገሰው እት ሰንዐፊ ህጁም እግል ለአሰብዱቶም። ሰበት እሊ እንቲም ክምሰል ትበህልኩመ፡ እብ ሰንዐፊ ዘብጥ ክምሰል አሰብደ ለናይ ሶይረ ወቆሐይቶ ዲብለ ህለው እት ክምሰል ለአጨፍሮ እግል ቲደው ብኩም።

አሰመላሽ ወዲ-ሐፍቲ፡ ቅያደት ጀብህት ሽዕብየት፡ ዝያደት እትለ ህት ተህይብ ሐብሬ እንዴ ተንክበ

ወዐበ እቲ አካን፡ ዲብ ጀብህት ተሕሪር ኤረትርዮ፡ ክምሰል ልጅነት፡ ዲብ ገሌ ወክድ ህዩ ክምሰል ሚሊሽ እንዴ ገብኦ ሸቀ። ዲብ እሊ ለተህደገ አውካድ፡ ዲብለ ባካት ድድ እስትዕማር አቶብዩ ዲብለ ገብኦ 6-7 ለገብኦ መግርክ ሻረከ።

ዲብ ሰነት 1969 አባይ፡ ሽፈ ምሰል ጀብህት ተሕሪር ልትዓወን ክምሰል ህለሰበት አግረሱ፡ እንዴ አሰረ አሰክ አሰመረ፡ “አጃፕ” ነሰአዩ። ምናቲ፡ ክምሰል መሓሚ እንዴ ገብኦ ሸቁ ለዐለ ሐሁ ዐበ ዲብ አሰመረ ሰበት ጸንሐዩ ምሰል ሰብ-ሰልጠት አቶብዩ ህዩ ሸበህ ዕላቀት ሰበት ዐለት እሉ፡ ለዐል ወተሐት እንዴ ቤለ እት መደት ሐሚር አፍገረዩ። ሽፈ ክምሰል አቅበሉ፡ ዲብለ ዐለ እቲ አድብር ቆሐይቶ ምናድል ጀብህት ተሕሪር ኤረትርዮ እንዴ ገብኦ ንዳሉ ቅብላት እስትዕማር አተላላ። አሰክ ሰነት 1980 ህዩ ዲቡ ጸንሐ።

ዲብ ሰነት 1980 ሐርብ ኖሰኖሰ ምን ሐዲስ ክምሰል ትወለዐ ከ ጀብህት ተሕሪር እብ ቅዋት ጀብህት ሽዕብየት ክምሰል ሸክተት፡ ምን አካን አሰክ በርከ ትከፊት። ምናድል ሽፈ ላኪን ምሰሎም አሰክ በርከ እግል ልደሬ ኢሐረ። ዲብለ አካን ተርፈ። መስኦልየት ናይለ እብ ተማመ ለተንዚም እት ባካት እንዴ ሐድገዩ ለጌሰ ሰለሕ ረፍዐ።

ሽፈ እት ባካት ቆሐይቶ ታርፍ ክምሰል ህለ ክም ተአመረ፡ እት ውሕዳት ጀብህት ሽዕብየት እግል ልሰልም ትሰኣለያህ። ምናቲ፡ መካሪት ጠቢዐት ናይለ ባካት እብ ክእን እግል ልትበገሶ አንፋር ሰኒ ለሊሐቤዕ ወሰትር ክምቲ፡ ሸፋመ ምን አዩ አሰክ አዩ እግል ልትሐበዕ ክምሰል ቀድሮ አግደ ወድዐድ ሰበት ቲ፡ ለውሕዳት ፊራሮታት እንዴ ወደዩ እግል ልርከባሁ ኢቀድረዩ። ጀብህት ሽዕብየት፡ ሽፈ እግል ትክሰሩ ይሐዜት። እግል ለዐውተ



ለቀድር ብዕድ ብሰር ክልቀት። እንዴ ረምቀው ለለአመጹም ዕጋል ለአከት። አሰልፍ ዛበጠ ለልትበህል ምናድል ወመስኦል መንጠቀት ወመልሂቲ አቃርብ ሽፈ ምንቶም እግል ልሕዘው አምበተው። አሰማይ ናይለ እት ጀብህት ሽዕብየት ለህለው ለለአመሩ አንፋር እንዴ ሰመው እለ ለተሌ ርሳላት ነድአው እቲ።

“ክምሰሌክ እት ጀብህት ተሕሪር ዐልኩ። ለተንዚም እግል ሰውረት ኤረትርዮ እግል ተወውቲ ክምሰል ኢትቀድር ሰበት ጌመምናቲ አሰክ ጀብህት ሽዕብየት ለተዐዴኩ። እንታመ ጀላብ እስትቅላል እግል ረዩም ወክድ ለናደልክ እንተ። አዜ ምራድክ ለተምም አሰክ ጀብህት ሽዕብየት እንዴ ተዐዴክ ገርዛክ ዶል ተአወፊቲ።”

እሊ ጅህድ እሊ ዲብ ገብኦ፡ ነፈር መክተብ ሲያሰት ምናድል ሰብሓት ኤፍሬም አሰክ ፎር መጸኢ። ምሰል ዕጋል ዐድ ናይለ ባካት እንዴ አመሕበረ ወትጋመ ህዩ፡ “ሽፈ፡ እግል ሰውረት ኤረትርዮ ብዙሕ እግል ልክደም እለ ለቀድር እግል ልትከሰር ለአለቡ ነፈር ሰበት ገብኦ።”

እንዴ አትአመነው እግል ለምጽኡዎ፡ ሰበ ገጽ ነድኡ። ለትነሰአት ምስዳር ተወውተት። ሽፈ ህዩ እበ ትነደአው እቲ ጅማዐት እንዴ ተለ ዲብ ቀደም ምናድል ሰብሓት ወመልሂቲ ቀርቡ። ገርቡ ናሽጥ፡ 1.85 ምትር ለብጥረቲ ጸሊም፡ ፍቲይ መንደላይቲ። እብ ገጽ ፋሬሕ ተከበተው። ጅንዲ ጀብህት ሽዕብየት እንዴ ገብኦ ንዳሉ እግል ለአተላሌ ህዩ ትሰኣለው። ህቲ ላኪን፡ “ትዕብ ሰበት ህሌኮ ንዳል እግል አተላሌ ይእቀድር ከፊኒ!” ቤለ። ምናድል ሰብሐት፡ “ላዝም ንዳል እግል ተአተላሌቲ። ምን ክምሰል ዓረፈ እግል ተግርፍ!” እንዴ ቤለ ሰበት አትአመነዩ ንዳሉ እግል ለአተላሌ አተፈቀ።

ሐቆ እሊ ሽፈ ዲብለ ዐለ እት አካን እንዴ አቅበሉ፡ እግል ክሉ ዲብ አብዓት ሕቡዕ ለዐለ ናይ ጀብህት ተሕሪር ጅንሰጅንሱ አሰለሐት - እብ 18 ገመል እንዴ ትጸዐነ - ጀብህት ሽዕብየት ሰለመዩ። ዲብለ ባካት እንዴ ገብኦ ንዳሉ እግል ለአተላሌ ህዩ ዲብ እዳረት ሽዕብ ጀማሂር ናይለ መንጠቀት ትረተቡ።

ልተላሌ.....



(አፍሮ)መ፡ ዲብ ሰንዐፊ ለህለው ወደገበ ሕድ ለትሸብህ ምስዳር እግል ልንሰኦ እትፋቃም ክምሰል ህለው ሐበረ። ክእን ገብኦ ምንገብኡ፡ ሰንዐፊ ወዐዲቀይሕ ዲብ ናይ በል-ሸም ወቅት እብ ጀብህት ሽዕብየት እግል ልትሐረረ ቀድራተን። ሰበቡ፡ ክልኢተን መዳይን እብ ዎሮ ብርጌድ አባይተን ጽቡጣት ለዐለዩ። ለዎሮ ብርጌድ ህዩ፡ ለዲብ ሶይረ ወቆሐይቶ ለዐለው ዝያድ 800 ሙሰልሒን ኤረትርዮን እንዴ አምናቲ “ህሌኮ!” ልብል ለዐለ። ለዲብ ከጥ ጥልም እንዴ ገአው ጀራይም ለአጀሩ ለዐለው ቅያደት፡ “አክል-አዩ ዲብ ገለዶም እግል ለሐጥቦቶም?” ለልብል ሰኣል ላኪን፡ አምዕለ አማን እግል ልትፈረግ ቲ።

አሰመላሽ ገብረመስቀል (ወዲ-ሐፍቲ)፡ ምን ቅያደት ጀብህት ሽዕብየት እሊ ለተሌ መምርሕ ወሐብሬ መጸኢዩ።

“እብ ምስጢር እንዴ ጸበጥካሁ ናይ ዜሮ ሳዐት ክምሰል ተሐበረተክ እት ፍዕል ለተርጅሙቲ። ለእምቤሉ

ናይ ህጁም ስታት ክምሰል ለአፈግር እንዴ ጌመመ፡ መስኦልየት ዐባይ እት መሸንገሉ ለትጸዐነት መሰለ እቲ። እሊ ስታት እሊ፡ ክምሰል ተሐሰበ ኢትነሰረ ምንገብኡ፡ ህጁም ጀብህት ሽዕብየት ፈሸል ምንመ ኢትበህሉ፡ እግል ልደንግር ቀድሮ። ምን ኬን እሊ ህዩ፡ ለ800 ኤረትርዮን መጦር አባይ እንዴ ገብኦው ድድ ጀብህት ሽዕብየት ተሓረበው ምንገብኡ፡ ፍንጌ ሐው ለኢተሐዘ መትከዓይ ደም እግል ልትሰብ ቲ። እሊ ደረር እሊ እግል ልትህወን በገ፡ በርናምጅ ቆሐይቶ ሶይረ ላዝም እግል ልትወወት ቡ። ዲብ እለ ወራት እለ ዛይድ ዶር እግል ልተልሄ ለቀድር ለዝያደት ክሎም ናይ ምድር ወህግዩ አምር ውበዕድ ቢቃዐት ወቅል ለዐለት እሉ ምናድል ሽፈ ዐለ።

ሽፈ ሹም ዑመር ሰሌማን ዲብ ሰነት 1947 ዲብ ባክነፍ ለትትበህል ቂሾት - ባካት ቆሐይቶ - ትወለደ። ምን ሰነት 1966 - 1970 ዲብለ ዐለ ወቀት፡ ዲብ ባካትለ ትወለደ





- ሚ.....ም?**
- ሚም እስከት ባዲ ወወቅሉ ቃሊ = ብእስ አጽማር
 - ሚም ንኢሽ ሳልሐት? = እብረት
 - ሚም ትረፍዑ ወረፍዐክ = ሴፈ/እስከን
 - ሚም ሾከት ኢትረግዝ? = ጭገረት
 - ሚም ምን ኩብድ እሙ እንዴ ፈግረ ዴጸት እሙ ለሐክክ = ዕጫይ ክርቢት
 - ሚም እብ ምንለዐል ደሀበት ወእብ ምንተሐት ፈሐመት = ፍንጨጨት
 - ሚም ትነሰእ ወከፊኒ ኢትብል? = ከርሸት/ኩብድ

አውኪር ወአቡዮም ዳፍአት

መርሐባቦም አውኪራም ፋሬሕ ገጽም፣ ጸዕደ ልቦም፣ ባሪህ መስተቅብሎም፣ ፈትዮም ልትሐደርም፣ ወአብዮም ልትሓገሎም!

ንዕኖ እንዴ እብል ትከለለኒ መሐበር መላኢከት፣ እብል ትገሰው!

አውኪር፡ አለ አቦቴ ዳፍአት ለመባልሰ ለጥዑም ክልዶል ምን ቅሩብ ዲብ ንሳልኪ ጸኔሕ። ሐሲብ ኢለሐኪኪ ወመትፋቃድ።

እሊ ገጼታይክም ፋሬሕ ወለልቤታይክም ለላጼሕ እብ ለልአትጸቤሕ፡ እብ በራአት ልሸዕር ወዐለም ለአትመቃሬሕ። ሐሬ ህዩ ፈጅር አምዕል ሚ ክምሰል ተ ዝኩራመ ህሌክም ማሚ?

ሲኒ ዝኩራመ ህሌነ ሰማን ዲሰምበር። ዲብ መድረሰትናመ እግለ ለከሰስ አሸዓር ወአናሺድ ለአንሸዱን ዐለው ምደርሲ።

ከእሊ ደርሰስ አቦትክም ዳፍአት እንዴ አዘምክም ምኑ እንዴ ገሌ ምን ዲብ መዳርሰክም ትነሹዱ ለዐልክም አናሺድ ምኑ በሎ እግልዬ።

ሲኒ አዘኒ ክሊነ ምሰል 'ሰማን ዲሰምበር' ለትብል ነሺደት እግል ኒበል እግልኪ።

አናመ ለአክራናትክም ለጥዑም እግል አተንሴ እዘንዬ ሌጠ አተናክል እግልክም፣ ኩሳስ በሎ እግልዬ አውኪራም።

ሰማን ዲሰምበር

መርሐባቦ ሰማን ዲሰምበር
ሕቁቅ አግሩዝ ዲብ ልትአመር
ትትሐሽም እግልነ ትንበር

ነዐይደኪ ምሰል ፈተትነ
እት እንዳግም ምትሰሐቅ አፈትነ
ምሰል ክሎም ሰናትነ

ጀላኪቱ ሐቅነ ልትአመር
ምንለዐል ክሉ ሕነ እግል ንንበር
ክሉ እትነ ልትፈረር

ንትፋኔኩም ክልክም ዋልዲነ
እግል ትክደሞ እግል ሰኔትነ
ፍሬ ሕነ እግል ዐድነ

አጥዐሚቶ

ዲብ ሐቲ ሼርከት መስኡል ሸቃለ እንዴ ገብእ ሸቄ ለዐለ እናስ እግለ ሸቃለ እንዴ ጀምዐ፡ “ያጅማዐ ዮመቲ እብ አማን ለልአግሄ ከበር እግል እድገም እግልኩም ቲ። እሊ ከበር እሊ ህዩ፡ መስኡልትነ ለዐለት አሰይደ ኬት መግይሽ (ጥርተ) እግል ትፍገር ቀረረት። እግል ብዘሕ ሰናታት ለመርሐተነ እትላ ሼርከት እንዴ ሐድገተነ ትገይስ ህሌት። ሰበት እሊ ክልነ ደዐ እግል ንውዴ እግለ ወህደያት እግል ነሀበ ሚ ምን እንወዴ ለሐይሰ?” እት ልብል ትሰአለዮም። ለሸቃለ ምርት ከእብ እንክሩ ረአይ ለህይብ ሐቀለ ጸንሐ፡ ምርት ምን ሸቃለ እንዴ ቀንጸ፡ “እነ እብ እንክርዬ፡ ‘ረቢ ለዓለሚን ነሐምደክ እል ምን አርኤከነ’ ለልብል ካርተሊነ ነሀበ፡” እት ልብል በልዩ።

ሰአላት

- ዓስ ጸምእ ሚ ኢትን? ሐቆ ጸምእ ምን አዩ ሰቲ?
- ሐቲ ከሊመት ዲብ ቃሙስ (ዲክሸሬሪ) እብ ከለዋ ክትብት ሐቆ ህሌት እብ ከአፎ እግል ተአምረ ትቀድር?
- ክለን ድወል ዐለም ዲብ ዕዳይ ዶል ልትሸመመ ለናይ ዐለም ግሩሽ አዩ ጌሰ መስለኩም?
- ገሌህን ድወል “ዲብ ዐድነ ሐቅ ናይ መትግጋይ ሕር ቲ።” እት ልብል ልትሰምዐ። ህግደ ሕር ሐቆ ገብአት ዲብ ተለፎን እግልሚ ለአደፍዮ?

መራዐየት አንድብ

1.2 ጩቅመት (ጽብጦት) ገርባት

አንድብ እምበል ሰቡብ ኢትን ዲብ መባይእ ዐጭም ዕስር እንዴ በእ ለነብር። እግል ኢልህንቀልቅል ወምን አነኩ እንዴ ነፍረ እግል ኢልብዴ እንዴ ቤላ ቲ። እተ ክምሰልሁመ ድማን ወድገሉብ እግል ኢልትደለል ሹብ እንዴ አበለው ለጸቡጡ ገርባት ህለው እግሉ። እሎም ጩቅመት ገርባት ለልትበሀሎ ከፈፍል እሎም ለተሉ ቶም።

1.2.1 ዕስር ሰገ (Gum-gingiva)

ሰገ ዕስር እግል ዐጭም ዕስር ለገልብብ ስጋድ አንድብ እንዴ ከለበ ለጸቡጥ ዕርዋስ ለመሰል መገልብብ እት ገብእ አንድብ ዲብ አነኩ እግል

ልሰበት ወእግል ኢልህንቀልቅል ለሰዴ ክፋል አንድብ ቲ። ዲብ ሐንቴህ ለልትረኩብ ዐጭም ዕስር ምን አዘኒ መትክምሆት ወምን እትዩት



ነብረ ወባክቴርያታት ዳፊዕ እግሉ። ዕስር ዐፋይ ዲብ መብዝሐት አዳም ሕብሩ ዘህሪ (Salmon pink) ለመሰል እት ገብእ። ዲብ ሰርም ጸላይም አንፋር ጽልም ለቤለ አው ህዩ ሕልቡብ ለመሰል ሕብር ገብእ። ዕስር ሕደይ ዲብ ዐጭም ዕስር ላጥእ ቲ። እሊ ክፋል እሊ ዲብ ስጋድ-አንድብ ሹብ ለቤላ ቲ።

ሰገ ለቡ ዕስር ዐጭም ዕስር

ሰመንቱም መገልብብ ድዋራት ስጋድ-ኒብ

1.2.2 ሰመንቱም

እሊ ክፋል እሊ ሐቲ ጠበቀት እት ገብእ። ክምሰል አተላላይ ኢናመል ወቅርድ ኒብ እግል አንድብ ለገልብብ ክፋል አንድብ ቲ። እግል አንድብ አግዳድ እብል መሰል ሸራይጥ ምሰል ዐጭም

1.2.3 መገልብብ ድዋራት ቅርድ-አንድብ (periodontal membraene)

እሊ እግል መባኒ አንድብ ወአነፍት ፋዲ ናይ ዕስር ለገልብብ እብ ጩቅመት ገርባት ለትከወና ቲ። ለአግደ ሸቅሉ ላኪን አንድብ ምሰል ዐጭም ዕስር ክምሰል ልትአሰር ወዴ። እሊ በህለት አንድብ እንዴ ነጥረ እግል ኢልምለጭ ወኢልትሸንኬ ራቅብ።

1.2.4 ዐጭም ዕስር (alveolar bone)

እሊ እግል አንድብ ወአልሓይ ራፊዕ ለህለ ክፋል ዐጭም ነከክ እት ገብእ። ለአግደ ሸቅሉ እግል

ቅርድ-ኒብ እንዴ ሐቅፈ ጸብጥ። እብ ዓመት ክሎም እግል አንድብ ለልትከለሎ ገርባት (periodotium) እንዴ ትበህለው ልትሰመው። እሎም ዐጭምም ረቂቅ ሰበት ቲ። እብ ገሌ ደቅጥ ልግበእ ወረክስ እግል ልትአዘው ወልሕቀቅ ቀድሮ። ለረክስ (እንትጥብ) ሐቅ ትወርክ ዐጭም ዕስር እግል ልትጠወር በክት ህለ።

ከእብሊ፡ ሕማም ዕስር እግል እሎም አርበዕ ለትሰመው ገርባት ክምሰል ለአደሚዕ እግል ልትአመር ለአሰትህል።




እላይም አንፋር ጽልም ለቤለ አው ህዩ ሕልቡብ ለመሰል ሕብር ገብእ። ዕስር ሕደይ ዲብ ዐጭም ዕስር ላጥእ ቲ። እሊ ክፋል እሊ ዲብ ስጋድ-አንድብ ሹብ ለቤላ ቲ።

ሰገ ለቡ ዕስር ዐጭም ዕስር

ዕስር ለአትጽብጦ።

- እግለ እት ሐንቴህ ለህለ ደንቲን (dentine) ወጩቅመት ገርባት (periodontal fibers) ምንለ ገብአት መደረት ዳፊዕ። ለአግደ ሸቅሉ ህዩ ዕስር ምሰል ዐጭም ክምሰል ልትጸበጥ ውድዩት ቲ።
- እግለ እት ወቅት መጨር ለመጽእ ደቅጥ ክምሰል ፍራሽ እንዴ ገብእ ዳፊዕ።





ሰፈር አስክ ምድር ምሐርበት

እብ መኖሰበት 25ይት ሰነት እስትቅላል ምን ትወለደዩ እት ከደ አስመረ ክምሰል አተዩ፡ እት ልበን

ከነድያት አዋልድ። እብሊ ህዩ ዊንታነ ወንያት ላተ ዝያደት ክሉ ፋርሓት



ወሕሳበን ለዐለ ወክምሰል ሀደፍ ለትብገሰዩ እግሉ ጋር፡ እግሉ እብ ድግም ሰመዓሁ ለዐለዩ ምድር እግል ልብጸሓቱ ለናይ ሰልፍ በርናምጀን ለዐለ።

ሁተን ምሰል ዐመተንቱ እግል ሰልፍ ኢነት ምን ከነደ ኤረትርዮ ለመጽአዩ፡ ዊንታነ ደቡላይ፡ ንያት መሓሪ ወሳልሳይተን ዐመተን ንጽህቲ ሀይሌ። ጽብሕ ምድር ምሰል ታታ ለጅንሰን 6 አውቶቡሰ



ምሰል ምን ከነደ፡ ጀርመን፡ ቮቪደን፡ አሜሪካ፡ ብሪጥንያ ውበዕዳት ድወል ለመጽአው እብ አምኣት ለልትዐለቡ መቐጥኒን መዲነት አስመረግረ እንዴ አትለው አስክለ በዲር መንደሊታት ኤረትርዮ እግል ንዳል፡ እግል ሞት ወቅታል ልተገደሰ ለዐለ ዮም ላኪን እግል ዝያረት ምን ቅሩብ ወረደም ልትበጸሕ ለህለ ምድር ሳፍሮ እት ህለው፡ ዝያደት ለእብ ከበር ሰሙዕም ለዐለ ምድር ምሐርበት እብ ዕንቶም እግል ልርአው፡ ወእብ እግርም እግል ልዳወሮ እቱ ምን ቀድረው ክሉም ፋርሓም ወልውቃም ዐለው፡ ዝያደት ክሉ ላኪን ለነኣይሽ ኤረትርያት

ዐለዩ። ንያት ወዊንታነ ዋልድ አብ ተን። ለሙሳፍሪን እስቡሕ ምስ ስታድዩም አስመረ ሽንክት ቅብለት ሐቆ አተጀሀው፡ እበ ልወሊት ጽርግዩ ዐድ አቡቶ፡ እምበ ደርሆ፡ ደምቤ ዛውል፡ ቶከር፡ ሰረጀቁ፡ ዐዲ አክሎም እት ልብለ ህዩ ሕዱድ አቃሊም ዐንሰበት ወምግብ እንዴ ሐልፈዩ ደቀምሐሬ ደምቤዛን ዐደተክሌዛን እንዴ ካደደው ምን ዐዶታት ከበሰ እብ ምክራይ ልቢ ትግራይ አስክ ቀላቅል ደኖ እት ህለው፡ ዕንታቶም

እብ ሽባቤክለ መካይን ድማን ወድገሉብ ዲብ ለአትቃምት እግል ግሩም መካሪት ምድርኹ እግል ሻንን



ታክዩት አካን ፈግረው እም። ለሰብለ ዝያረት ህዩ ምን ርሽመተ ክርበ አስክ ዔለ በርዕድ እንዴ ትወለበው እብ እደዮም አስክለ ዐድ ጀራዲን ላተ ዔለ በርዕድ ዲብ ለኣሽሮ እግል ማሌ ቀደም ሕርየት ዲብ ዔለ በርዕድ ለጉብኣ ንዳል ፍርሰነት ለደፊዐ እስትሸሃድ ወዲብ ረአስ አባይ ለጀረ ደማር ወፊነ ለሓኩ እት ህለው ክሉ እብ መትኣያስ ለአተንሰዮም ዐለ። እብ ፍንቱይ ለነኣይሽ ዊንታነ ወንያት ላተ ዝያደት ክሉ እበ ልደገም ለዐለ ታሪክ አበወን ልትሐበነ ዐለዩ። እብ ካሚራተን እንዴ ወደዩ ህዩ እግል ታሪካይ አካናት እብ ትሉሉይ ሰውረ እት ህለዩ፡ ወጠንዮተን ወዐሽመን እት ወጠንን ዝያደት ክምሰል ዐለ ለርኤኹ።



ሐቆ ናይ ሰር ሳዐት ህዩ አዜም ለሰፈር አስክ መዲነት ከረን አተላለ። ከረን እብ ዕቢናህ ግረ አስመረ ለትትረተብ ዓሲመት አቅሊም ዐንሰበ ክምተ እበ ዐባዩ ተሐበረዮን። ሕሊል ዐንሰበ እንዴ ተዐዲክ ሐሊብ መንተል እንዴ ሐለፍክ እግል ነኣይሽ ደገቢት ድማን ወድገሉብ ዲብ ተዐፊ እብ ምፍጋር ጸሓይ ናይለ መዲነት ተኣቱ እት እት ህለክ ዝያደት ትትበሰዋ። ምሰል ሐቆ ሕርየት ለትበነ መሐጠት ከህረበት ክምሰልሁም ዘበናይ ሆቴል ሳሬን።

ልተላሌ.....



ሕመድ ወድ ዐጋት ምን ሕልዮት ቤት መዐለ ወቤት መዐሾ እብ ሰበት ድመል ረአስ ወልድንኬኤል ወድ ሰለሙን እት ለሐምድ ለቤለዩ ሕላየት እግል ንርኤ።

ድመል በዐለ ወልድንክኤል ቱ ተወክ ሚበ ወኣለ

ወድ አቤቶ አብ ስሉል ለሮረ ህቱቱ ስልጣን ወልድ-ጋብር ናስኣት ተ ወሐይሉ ናስኣት ተ መንባን

ኤሎስ ናስኣት ተ ወድ ቱድሮስ ለገንድል እብሊ ጭማረ

ዐድ ተክሌስ ናስኣት ተ ከፍክፈቶ ለጽዋረ ክልኤ መንሰዕ ናስኣት ተ ኢቀንጾት ምንለ ምክራረ

ፈጽሐት ዛምት ቱ ምሴ ዶለ ምዕያረ ድግለል ዛምት ቱ መንሰራ ለትርክ ዐለ ክዋለ

በዩድ ናስኣት ተ ወድ እክድ ሚን-ዓምር ጌሰ ለኤማን

አምዕል አግናድ እተአምሮ ናተሎትለ ጭማረ

ሰለስ ምጥዐት ስምሓኖ ውላደ ትዲደ ወኣጋለ

ተክሌዛን መላኪን መን ወድዮ ለተሰካረ አንጉለ ግዱለ ለትጋርብ ሕላለ

እጸሮት ለእበነ ሳደዶትለ ሓባለ እት ቅብ ትበኣሰዮም ከራይ ሚ በ ሕዋለ

ወድ መልክ ወድብሮም ኢለአሙሮ ለቀባን ህሌነ ምኑቱ ቅሕብ ለተረ ተራነ

ህሌኮ በሃልቱ ዲብ እዲነ ለትማን እምበክዩ ዐራዶ ሕነ ህታተ ነብራነ

እት ገጽን ጌሰት ዲብ እንሰእዩ ግራነ ጀነት ለሀበ ዐራዶ ጌሰት ገበይ አማን

ምን ነቢ ጸንሐት ተ እስላም ወክስታን ክም ተዓረ

ምን አሰሓብ ጸንሐት ተ ሽፈ ለሕራብ ድመል በዐለ ወልድንክኤልቱ ተወክ ሚበ

ወኣለ

አትቃበለት ለአሰራረ ሳመ ዱለት ኢገኦ እለ አልፍ በዴት ምን አብሐር ምሰርዮ ለከማረ

ወድ ሰለሙን ወድ ዘርኣይ አድማይ ሌጠ ድራረ

ወድ ሰለሙን በዐል ሐመር ወወድ ሰለሙን በዐል ጣለ

ወድ ሰለሙን ወድ ዘርኣይ አዩ ምኖም ንትከተል

ጸጋይ ላቱ አርኡነ ውሓጥር ላቱ በዐል ከንፈር

ዐድ ሰለሙን ወድ ዘርኣይ አድማይ ሌጠ ትጸንበርል።



የጊዜ ጥገና

ሕግ ሰሌዳ



“ዝሕረት ንዋይ እት ጋሽ በርከ ሰበት ህሌት መጽል ሳረዮቱ ሐረት”

ደረሳይ መሐመድ ዑስማን ምን ኩልየት ሐርስ ሐመልማሎ

ሓይላም ወሓይሳት ቄርአት ዓመድ ሸባን። የም እትሊ ዓመድ እሊ እበ እግለ ረክበ ደረጃት ሐብን ለልትሰምዑ ሻብ ምን ኩልየት ሐርስ ሐመልማሎ ምሰሉ ግል ነአትአምረኩም። ለመቃብለት እለ ተሌተነ ቅራኦት በኪተት!

ሰአል፡- ምሰል ርክክ ምን ተአትአምረነ?

ሰሚቼ መሐመድ ዑስማን መሐመድ ትትበህል፡ እብ ዐለዮ ዐድነ እንዴ ሐደማን ሶዳን ሰበት ኦቲነ እት ምድር ጋነ ትወለድተ። ምን ሶዳን ሰነት 2000 ሹባህ መዲነት ሀይተት እት ኦቲነ። እትሊ ህይ ናይ መአንብታይት ድራሰቼ እብ ህግዮ ዐረቢ አንበትኩወ።

ሰአል፡- እት ወክድ ለህይ መድረሰት ከፎ ዐለት?

ለናይ መአንብተይት ደረጃቼ ለአንበትኩ ወአትመምኮ እት መድረሰት መድረሰት ሸሂድ ቢረግ ተ ለዐለት። እት ወክድ ለህይ አወላይ ፈሰል ለዐልነ ደረሰ 3 ፈሰል እቱ ኩፋላም ዐልነ። ግራሁ እት ካልኣይ ፈሰል እት ክልኦት ወእት ሳልሳይ ፈሰል ህይ እት ምሮ እንዴ ትከምከምነ አሰክ ሓምሳይ ፈሰል እብላ ገበይ እለ አተላላ። ኣነ እት ሌሂ ወክድ ለህይ ምን ፈሰልይ አወላይ ወምን መድረሰትናዎ የኒት እነሰእ ዐልኩ።

ሰአል፡- እት ምግባይት ደረጃት ህይ?

እት ምግባይት ደረጃት ክምሰለ እት መአንብታይት ደረጃት ጀዋእዝ ለእነሰአ ዐልኩ ኢገብአት እብፍንቱይ እት ሰሳይ ሐቆ ሳልሳይ ፈገርኩ ግራሁ ላተ ምን መስከብ ጀዋእዝ እንዴ ፈገርኩ እት ሳልፋዮም ለ5 እቶም ተዐዳኩ።

ሰአል፡- ለሰብ ሚ ዐለ?

ወላሂ ለሰብ ብዙሕ ተ። ለአግደ ሳኪን ምሰል ድራሰት እግል ልባሰይ ወርሱም ድራሰቼ እከድም ሰበት



ዐልኩ። እግልሚ ዐድነ ዝኣፎም ሐዋኒት ሰበት ዐለት እግል ድራር ሳሊህም እብ ካሮ ሸቁ ሰበት ዐለው ወህለው። ክምሰልሁም ምን ዐረቢ እት እንግሊዚ ሰበት ተዐዳናቱ እግል ኢበል አቀድር።

ሰአል፡- እት 2ይት ደረጃት ህይ ከፎ ዐልኩ?

እት ካልኣይት ደረጃትመ ብዙሕ ኢሐወንኮ ወኢፈደብኩ ምነ ሳልፋዮም ለ10 እት ኣነ መድረሰቼ እንዴ አትመምኮ አሰክ ሳወ ትወከልኩ።

ሰአል፡- ሐዮት ሳወ ምን ዳግም እግልነ?

ሳወ ክምሰለ ብዕዳም ኢሐደሰት እቼ። እግልሚ ቀደም እለ እት መሀረጃናት ምን ገብእ ውበዕድ

እመጽኦ ሰበት ዐልኩ እት 26ይት ደውረት ክድመት ወጠን ክም ደረሳይ ተሓበርኩወ ወእምበል ምሽክለት ድራሰቼ እንዴ አትመምኮ እት ማትሪክ ወዳኮ ወአልሐምድልላህ ነጅሐኩ እተ።

ሰአል፡- ፍገራት ማትሪክ ትረይሐክ እበ?

ወላሂ ኢትረይሐኩ እበ ምናተ እግለ ሕልፈቼ አልሐምድልላህ እበ። ለሰብ መምክን ኣነ ክምሰለ ደረጃቼ እት ናይ ድግሪ እትጸበረ ለዐልኩ ምንመ ይዐለት ምን ተሪፍ ምን ደሐንኮ ቱ እላመ አሰናይ ኢትሰኣነት ለእበ ዲፕሎመ አምጸኩ።

ሰአል፡- ግራሁ እበደ ረትዐክ? ኩልየት ማይ ነፍሒ ኦቲነ እት

ህይ አወለይት ሰነት ክም ደረሰኩ 2.6 ሰበት አምጸኦ እት ናይ ዲፕሎመ መጽላት ብዙሕ እግል ሕፊ በክት ረኩበኩ። ምናተ ከለ ሀንደሰት ሕሳብ ወፋዝያእ ሰበት ብእቱ ወኣነ ህይ አባይ ሰበት ገብኦ ምኑ እት ሀርብ እት ኩልየት ሐርስ ሐመልማሎ መጸኦት ወእተ ህይ እት መጽል ሳረዮት ንዋይ ኦቲነ።

ሰአል፡- ለመጽል ከፎ ረኩበኩሁ?

ለመጽል ሰነ ወአማን ለረይሐኒ እት እንቱ ረኩበኩወ። እግልሚ ለድዋር ለእቱ እንብር እብ ዝሕረት ንዋይ ለልትአመር ሰበት ቱ። እግል ሸዑብይ እብ ቀሊል ለእሰዴ እብ መጽል እንዴ ገብኦ ረኩበኩወ። ምጅተመፅነ ፈሀሙ እት መጽል ሕማም ንዋይ ወገበይ ሰረዮቱ ለህለ እግሉ ፈሀም ድህር ለበል ሰበት ገብኦቲ።

ክእነ እግልይ ለመሰሎ ሸባን እብሊ መጽል እለ እብ ብዝሐ እንዴ ደሐረው ዶል እት ሸቅል ልትፈረር ፈሀም ምጅተመፅነ ኢትቀየረ ምንገብእ አሰክ እለ ንዋይ ምን ሕማም እግል ልሳሬ ለመጸክ አለቡ እለ ህይ ደማር ሰብብ ለህለ ጋር ቱ።

መሰለን ምሮት ነፈር ወአቱ ሐ'መት ምንገብእ' እንዴ ሐርደየ ባይኦ አውመ እብ ኮማት እት ሰግ ለኣዙብይ። ለሕማም ምን ንዋይ እት አዳም ለልዐዴ ሰበት ህሉ እብላ ገበይ እለ ብዝሓም እግል ለአብዴ ቀድር። ሰበት እለ ዕልም ሐቆ ህለ ለወአት ትሳሬ ወበዐላመ ኢከሰራ ወእግለ ሸዑብመ ኢደርርም።

ሰአል፡- ኣዜ ኣክልኣይ ህሌክ እግል ትደሐር?

የም ዓመት ናይ ደንገበ ሰነቼተ በህለት ደረሳይሳልሰይት ሰነትህሌተ። እለ ህይ እግልይ ዐውቱ ዐባይተ እግልሚ የም ምሰልይ ለአንበተው ደረሰ እብ ለትፈናተ አሰባብ ምን ተዐለም እንዴ ራመው ኣነ ምሰል

ሰለስ ብዕዳም ምን ሀይተት ኩልየት ሰበት ኦቲነ ወህቶመ እብ ለትፈናተ አሰባብ ሰበት ጠለቀወ እት ሀደፋ ለሐጠ ወዝሩፍ እዲነ ለከህለ ሰበት ኣነ እለ እግልይ ፍንቱይ ፍሬቱ።

ሰአል፡- አልሐምድላ ለልብል ነፈር ትመሰል?

እምበልህ ሚ ብይ ሕግላን ወኣከይ መንበረት እብ ድራሰት በዴ። ኣነ ህይ ረቢ ቃሰመ እግልይ ለህለ እግል እርኩብቱ እብ ድራሰቱ። እለ ህይ ፈድሎ ቱ ሰበት እለ ክልዶል ለሐዋኒቼ እግልይ ንዕመት ረቢተ። ከላሰ እግልይ እለ ደረጃት እለ እብ ለሀበት ጽራት ሰበት አምጸኩወ ሰነ ወአማን እግሉ ዕ እበ ኣነ። ለምድር ለእቱ ህሌኮ ህይ መሰል ሰነት እግል እግበእ እግሉ ሰአየት ብይ። እግል ሚ ድራሰት ተርጀመት ለአለበ ለልሐሰብ ሸባን ብዝሓም ሰበት ቶም። ዋልዴንመ ምን ድራሰት ንዋይ እንዴ አሰለፈው እት ፍራረት ንዋይ ዕምር ውላዶም ለልክበዱ ወግራሁ ህይ ለንዋይ ክም ሐድገዮም ለልግሁ ብዝሓም ሰበት ቶም እግሉም መሰል ኣነ። ንዋይ እብ ድራሰት ክም በርክት እግል ሐብርም ቱ ኖሼ እት አንሰሱ። ለህግያይ እዝን ክሬ እግለ ፈጅር እግል ትትሰኣለኒ ምነ።

ሰአል፡- እት ደንገበ እግል ቲባለ ለትሐዜ?

እበ ተህባቤኒ በክት ሐምደኩም ሐዋኒትመ ኣካንበ ሰበት ትበው። ግራሁ ክል ሻብ እት ድራሰቱ እግል ልተርድ ወእምበል ድራሰት መንበረት መራር ክምተ እግል ለአምር ቡ እብል።

ምህነት ህይ እብ ቀልብ ለትትሐዜ እግል ልሕረው እትፋነዮም እግልሚ ፈጅር ራሐት ደሚር ወሸቅል ሳሬ እግል ልርከቡ።

ሰፍሐት ሸባን እበ ሁበከፍቱ ተውዴክ ንሐምደኩ።

ቀን-ናይ አትአመሮት 125/2016 ቀዋኒን እተይ ሐርስ ብሩር ወንዋይ፡ ማደት 1 ለለአፈግሮ በዐል መዝ

----- ምን ገጽ 4 ለተላለ

እለ ቀዋኒን እለ፡ እብ አሳሰ ግብር እተይ ሐርስ ብሩር ወንዋይ እግል ልትኣከብ ለፈግረ አዋጅ ዕልብ 178/2016 (እንዴ ተለ አዋጅ እንዴ ትበህለ ለልትህደግ) ማደት 15 (1) እግል ወዚር ማልየት ለተህባብት ሰልጠት ለፈግረ ቀዋኒን ተ።

ማደት 2 - አርእስ ሐጪር
እለ ቀዋኒን እለ፡ “ቀዋኒን እተይ ሐርስ ብሩር ወንዋይ ዕልብ 125/2016” እንዴ ተበህለ እግል ልትህደግ ቀድር።

ማደት 3 ለትሸጠበ ቀዋኒን

ለቀደም ኣዜ ልሸቁ እቡ ለዐለ ቀዋኒን እተይ ሐርስ ብሩር ወንዋይ ቀን-ናይ አትአመሮት 21/1994 እብ አሳሰ ማደት (2) ናይለ አዋጅ ሸጡብ ሰበት ህሉ እብሊ ቀዋኒን እለ ብዱል ህሉ።

ማደት 4 - አከቦት ግብር
እብ አሳሰ ማደት 3 (3) ናይለ አዋጅ ፈጻልየት ወአግቡት አከቦት ወፈጽም ግብር ምን እተይ ሐርስ ብሩር ወንዋይ ሰልጠት ወመሰኡልየት ቅሰም እተይ ቀበት ዐድ ገብእ።

ማደት 5 - የመሞት ግብር፡
1 እብ አሳሰ ማደት ሐምሰ (2) ናይለ አዋጅ ልጅነት ዐድ ናይ ዴፍዳይ ግብር ንዋይ እንዴ ረተበት፡ ግብር ንዋይ የምም።

2 ለገብኦ ንዋይ ለቡ ነፈር አው ሐሽም ግብር እብተቅዩም እግል ልድፊዕ እግል ልትሰመዕ እሉ ዶል ልትሰኣል፡ ልጅነት ዐድ እግል ልደፊዕ ለወጀቡ ግብር እብ ወግም እግል ትየምም ትቀድር።

ማደት 6 - መልእ እስትማረት
1 እብ ልጅነት ዐድ ለተኣከበ ግብር፡ ምሰል እለ ቀዋኒን ዱብዋት ለህሌት እስትማረት ዕልብ ሐቱ ልትመለእ። ንሰከቱ ህይ እግለ ደፍዐው ሐረስቶት ትትህዩብ።

2 ተፋሰል አሰማይ ዴፍዐት ግብር፡ ምሰል እለ ቀዋኒን እለ እት ትጸበጠት እስትማረት ዕልብ 2 እብ ልጅነት ዐድ እንዴ ትመለኣት፡ ዲብ እዳረት ምዴርየት ተሐልፍ።

3 ልጅነት ዐድ ለኣከቡቱ ግብር እት ምዴርየት እግለ ልትረከብ ወኪል ቅሰም እተይ ቀበት ዐድ አው ወኪል ዶል ኢሊህሌ እግል እዳረት ምዴርየት ሰልም።

4 እዳረት ምዴርየት ምን ልጅነት ዐድ ለትሰለመቱ ግብር ፋቱረት ተህይብ ወለማል እት አቅሊም ለህለ ቅሰም እተይ ቀበት ዐድ ትሰልም።

ማደት 7 - ሰጅላት ወእስትማራት
ቅሰም እተይ ቀበት ዐድ አው ህቱ ለወከለዮም ዲብ የመሞት ወኣከቦት

ግብር፡ምህምላቱሰጅላት ወእስትማራት እግል ልጅነት ዐድ ወእዳረት ምዴርየት ለአቀርቡ።

ማደት 8 - እዳረት ምዴርየት
ወአቅሊም እብ አሳሰ አዋጅ ናይለ ልደፊዕ ግብር ዲብ ኣከቦት ለአፍገረያሁ ማዘገባተን ኖሰን ከፍየ።

ማደት 9
እለ ቀዋኒን እለ ዲብ ጀሪደት አዋጅት ኤረትርየ እንዴ ጠበዐ ምን ፈግረ እት ዕለት እንዴ አምቡት ዲብ ዐመል ልውዕል።

አሰመረ
1 ዲሴምበር 2016
ብርሃኑ ሀብቱማርያም
ወዚር ማልየት

ክብርና ልብብ

ጣቡት እት ረክሰ ጣቡት ቤት ነምሉት ትጉባጽ

ለኔም ተባብሮ እትወዴ እግል ሕጽኖተ አዜ እክልሲት ለዐሉት እሲት ወልደ ክኔነ ቴሉተ፣ “ወልደ አድብ ክም ወዴ ወዳክሀ፡ እሊ ጋር እሊ አነ ሰላሳ ሰናታት እግል እትወድት እቡ ለኢቀደርጉ ጋር ቱ እንቲ ህዬ ረቢ ሰዳኪ ከእት ሰላሳ አምዳላት ተወድቶኪ እቡ” እንዴ ትቤ ለሽንታት እብ አናበዕ ትጀቃጀቱ።

እሲትላ ወልደ ህዬ ክኔነ እትብል በልሲት፣ “ይመ ደማምላ በልቀት ወለድሕረት ተአማረ ማማ? በልቀት ዐባይ ዐሉት፣ እሊ በልቀት እት ገቢይ ሰባት ዐሉት እግል አምም ምሕላፍ ትክልላም ነበረት..ዎሮት እናሰ ህዬ እንዴ ሳቢያ ምንላ ገቢይ እግል ልሸኽክ ርሐ ሰባ እላ። ለእናሰ እግል ልሰቢ ጀራረብ ወእብ ማሰት 99 ዶል ሀደሽሹ፣ ምናተ ወለ ሐቲመ እንዴ አለአወቄ ተዐቢ..እብ ባኩ ነፊር ለሐልፍ ምን ርክ እንዴ ክቅመዩ እግል ልሰደዩ ትሰላላዩ.. ለእናሰ እግል ልሰደዩ ምሽክላት ክም አለቡ አሰላላዩ ወእግል ማሰት እንዴ ሀረሰ ለበልቀት ምን ሀደሽ እቱ ለበልቀት እት ሰልፋይት ህዳሽቶ ሰጠየር ገበኛት...

ምናተ ለሰላላትዐጅብ ጋር ትረኡ እት ሐንላ በልቀት ምን ደህብ ምሉእ ለዐላ ከሐዕ ተረታቱ ለእናሰ ህዬ እሊ ከሐዕ እሊ ናዬ ቱ አናቱ ለእግል ብልቀት ሳጠርጉ ቢሊ..እሊ ክም ገብኡት ለክላት እናሰእት ቃዲትሻኸው። ለሰልፋይ እናሰ፣ “ምን እሊ ርክቡት ለህሊት ዝሕረት ገሌ እግል ለሀቢ -ብዳብ፣ አነ ለበልቀት 99 ዶል ሀደሽህ ወክም ተዐብቱ ቱ ለበጠርጉ” ቢላ። ለክልኦዩ ህዬ፣ “ኢፋሉ፣ እሊ ዝሕረት እሊ ክላ ናዬ እቢደንዬቱ አናቱ ለበልቀት ሳጠርጉ” ቢላ። ለቃዲ ህዬ ተማም ለኣተንሰዩም እንዴዐሉ፣ “ለሰልፋ 99 ዶል እግል በልቀት ሰባት ሀደሽ 99 ክፋል ናደላ ዝሕረት ልንሰኡ ወእንተ

ሲሐቱ ዶል ሀደሽከ ህዬ ሐቅከ ዎሮት ክፋል ቱ ለበልቀት ህቱ 99 ዶል ህዳሽ ምን አለዐሌ እብላ ስልብ ምንኡት ላት እንተ ለሀደሽክ ሓቱ ህዳሽት እግል ትትሳጠር ክላ-ረክሱ ወኢቀድረት ቢላዩ።

እሊ እግል 30 ሰናታት እንዴ ኢትትቀብ ወሰኦዩት ኢትብክክ እግል ወልደ እት ተአድቡ ሓሊፊት!! ወዲብ እሊ ሰላሳ ሰናታት እት ለዐሊ ወእምበል ሐቱ መንፈዐት ሐላፋ ክም ደዐላ አዜ እት ሐቱ ዶል እሲቱ ተወድቶት እቡ፣ ወበዐል አድብሲ ገብኡ።

ከእሊ ወ-ዳደላ እሲት ወል ወለ አድብ ማም ህዬ ምን ቅያሰ ወለዐል እግል ልትሐመድ ወጅብ ህቱ እሊ ክላ እብ ፈድልዬቱ አቢላት፣ ወእግል እም እሊ እብ ፈድላ ህቱ ለወዴቱ ናይ 30 ሰናታት መጀህድ ክም ቱ አተይቀኑቱ ወህተ ዲብ እሊ ፈዳብ ወቀይ እሊ ሐቱ ወናይ ደንገብ ጣቡት ሌጠ ክም ከፊት ወኣሳሳላ ጋር ለኔም እት ቀቡት ሰላሳ ሰናታት ለከድምመቱ ክም ቱ ወህተ ህዬ አትመመቱ እት አገን ክልእ ሐቲመ ክም ደኣውቁት አሰላላት።

ከአድብ ሲ ምን አምም ሲ ሌጠ መጽእ..ወበዐል አድብ ሲ ህዬ ለእሊ ወዴ ሰጅትመ ናይ ዓማት ሰጅት ቱ እግል ለኣተምሰል አውመ እግል ርክው እዩ ወሰምዮ አገን ለትመኡ ህቱ እብ ገቢይ በሲጠት ወእምበል ተክሊፈት ተሐሳል።


ሐቱ አምዕል ዛርኡ ለዐልከ ዘርኡ አትቱ ቡዴት ምንክ ምን ገብኡ፣ አዩ ክም ሀላ ለገዳም እግል ተሐብረክ ቱ። ከእሊ ምን ገብኡ እት ክል አትን ወምሰል ለገብኡ ልግቤ ወእት ሐን ለገብኡት ሰመ ከር ሌጠ ዝረኡ እንተ እት አዩ ወምዶል ክም ትረክቡ ኢተአምር!! ወላእት አትን ደኣትቱመ ልግቤ ከር ሌጠ ዝረኡ..ሰጅት ህዬ ለኣተ ዘርኡክ ምን ትዝረኡ በላሽ ኢትቡዴ።

ሓዳረት ሚ በህለት ቱ?

መኤምረት ታሪክ እግል ዎሮት መጀተመዕ አክል ሕድ እንዴ ሐደደው ለናዩ ሓዳረት ምን እሊ አሰክ እላ ዐላት እግል ሊበሎ ሰበት ከብደ ዲቦም፣ ሐዳረት ለትብል ዘዐት እግል ገለ ምንላ ቀዲማት ወአዜ ለሀለዩ መጀተመዓት ወትምቱም ታሪካይ ወሰቃፋይ ወቀይ ለሰርገለዩ እግል ለአትአምሮ ትነፈዐው እቡ። ገሌ ምን እሊን ሐዳረት እሊን፣ ሐዳረት አንዲያኖን ቱ። እሊ ሓዳረት እት ድዋራት ሰነት 800 ቀደም ተውሊደት ነቢ ዒሰ ዐላት። ሓዳረት ሚክሲኮ እት ድዋራት 300 ቀደም ተውሊደት ዒሳ። ናይ ረዩም ምፍጋር ጸሓይ ሓዳረት፣ እሊ ህዬ ዲብ ሲን እት ድዋራት ሰነት 2200 ቀደም ተውሊደት ዒሳ። ወምን እንዴ ተዐዴት አሰክ ጃፓን አማደደት። እሊ ህዬ እት ድዋራት ሰነት 600 ሐቀ ተውሊደት ዒሳ ዐላ።

- ናይ ህንድ ሐዳረት እት ድዋራት ሰነት 1500 ቀደም ተውሊደት ዒሳ፣ ሓዳረት መሰርዩን

እ ት ድዋራት ሰነት 3000 ቀደም ተውሊደት ዒሳ፣ ሐዳረት ሰነት 4000 ቀደም መትወላድ ዒሳ፣ ሐዳረት ሚንዋን እት ድዋራት ሰነት 2000 ቀደም መትወላድ ዒሳ፣ ሐዳረት ሰነት 1500 ቀደም ተውሊደት ዒሳ፣ ወሐዳረት ግሪኩ ሮማን እት ድዋራት ሰነት 1100 ቀደም ተውሊደት ነብእ ዒሳ።



ሐዳረት ባይዛንታይን ወእላ ህዩ እት 4ይ ክፊል ዘመን ሓቀ ተውሊደት ዒሰ ለዐላት ሓዳረት ቱ። አሰር እላመ ሐዳረት እሰላም እት 8ይ ክፊል ዘመን ሓቀ ተውሊደት። ወናይ ምውዳቅ ጸሓይ ሓዳረት፣ እሊ ሓዳረት እሊ ህዬ ዲብ ምውዳቅ ጸሓይ አርባ እት ሰልፋይ ምግባይ ዘመን ክም አንበተት ልትአመር።

ለለአትፈክር ሐቀይቅ

- እትላ በዝሐ ወቅት፣ እብ ክሰሰ ሌሙን ሐሰብክ ምን ገብኡ፣ ምልሐን እግል ለጠምጥመካቱ ወአፋካመ ማይ እግል ልጅብብ ቱ።
- ዲብ ትርኩምስታን ምን ቀደም 23 ሰነት አሰክ እሊ ዮም፣ ከህረበት ወማይ ወጋዝ እግል ሸዑብ እብ ለህ ክም ልትህዩሶ ልትአመር።
- ሰልፋዶር ዳሊ ለልትበህል ረሳም፣ እት መጥዐም እንዴ አተ ከነብረ በልዐ ምን ገብኡ፣ ተቦንላ ፋቱረትላ ነብረ ክላ ረክሱ ደፋው ኢነበረ። ሕኔት ለማል ደፈዕ፣ ለፋቱረት እንዴ ነሰኦ ከረሰም ዲብ ዐላ፣ ወሰብል መጥዐም ህዬ እግል ፋቱረት ክም ናይ ፈን ትሕፈት ሰበት ልርእወ እት ዶል እት አካንላ ማሎም ልትከቦተ ምን ነብረው።
- ድራሰት ክመ ሸርሐቱ፣ ለአንፋር ለምን ምዕልታይ መሻክሎም እት ጠርዑ ነበር፣ ዕምሮም ምን ብዕዳም ክም ልትጠወል አትአመረት፣ እሊ ህዬ ህቱም ለኢፋሉታይት ሐሊት እብ ገቢይ እሊ ጥርዓኖም እሊ ሰበት ልትባልሐ ምና ቱ!!
- ገሌ ዑለመ ነፍሰ ለለአኩዱ ጋር፣ “ለውቀት አሰክላ ዶል ለምን ሓዚህ ትበጥራ ቱ ኢትረክበ” ልብሎ።

ተበሰም

እዴ እሲትክ ሰዐም...!!

ዎሮት ነፈር እግል እትላ ባካቱ ለዐለው አንፋር፣ “እብ አንሰኩም እትፋኔኩም፣ ከሰኔ ሰነው ዲብን ወሐሹመን እንዴ ቤለዮም፣ አዜ ክል ምኒን ዶል ለዐድ ነዐቀብላተ ዎርትና ቱ ከእዴ እሲቱ ልንሰእ ከእላ ልሰዐም!!” ቤለዮም። ዎሮት ምን ጀማዬዕ ለግሱይ ዐላ ህዬ፣ ከአነ ሃዲ ምን ዩአነ ህዬ ሚ እውዴ ቤለዩ!!።

ህቱ ህዬ፣ ከእላ ምን ገብኡ ለእዴክ እብ ገጸ ወእብ በርሰተ ሰዐመ “ቤለዩ...

ዝበድ

ዘየታት

ለእላ እግል ቲበል ተሓዜ ዘዐት፣ ወለ አልፍ ዶል ሕሳብ ውዴ እግል ወተማም እንዴ ፈጠንከ ሕረዩ፣ ዎሮት እብ አከይ መዐነት ለልፍህመ ኢልትሓገል።

በህል እመራም

- ዎሮት ወክልእ ለአለቡ በሊሰ ናይ መፍለል ዐውቱ ሌጣ ቱ። (ውንስቶን ቸርቸል)
- ምን ዐጃይብ እዲን፣ እንተ ምን ተሐት ምስተወ ርሽመት ሐቲመ ዶል ኢትትከቡት ቱ፣ ወእምበል ሸክ ትፈግር ዲቡ። (ሶመርሰት ሞም)
- እግል ነሳዬሕ ለልትከቡቶ ብዝሓምቶም፣ ምናተ ለቢሃም ሌጠ ቶም ለልትካፍዮ እቡ። ባብሊልዮሰ ሲረሰ)

በህል


- ሰራይርመ ሐዝዩ ምን ገብኡ፣ ለክርንተን ጥርዓን ልትሰመዕ እት።
- ዶል ለገጽከ ለዐል ክብ ትብላተ መልሂትክ እንተ ምን ክም እንተ እግል ለአምሮ ቱ..ምናተ ዶል ለእላ ትትሸልህት ቱ፣ እንታ ቱ ለመልሂትክ ምንክም ቶ ም ተአምር።

ዎሮት ርሽመት ፈርሐት ወርሽመትሐ ዘ ን ለለአትመሳሰል ጋር፣ እት ክሊቱ ተዋልል ሰኩብ ሰበት እንሰእን ቱ!!

- ሳፍር ለረኤካህ ምን ሰብብላ ሰፈሩ ኢትትሰኡ። ህቱ ለመሰምሱ ቀደምላ ሸገጡ እዱሉዩ ሀላ።
- ምን እዲን ለደረሰክም ጋር፣ ክሎም ለእሎም እፈቱ ሓጃት በደ ክም ሳድፎም ልትአመረኒ።

ክሉ አርዋሕ ለቡ ሕያይ ልትወለድ ወወልድ። እሊ ህዩ ለዐለ

አሰሉል ሐያት



ወለህላቱ። ወድሚን አድምማ እሊቱ ምን ልትከለቅ እብል ገራቢት እላ ለሄርር ህላ። እት ሞትማ ምንገብእ እታ ክምሰልህ። እሊ ናይ ሞት ወወለድ አዋይን ህዩ እግል ክሉ እት ሐያት እዲነ ለህለ ሐቲቲ። በዲር ዐሉ። ዮም ህለ ወፈንጅርመ እግል ለአተላሌቲ።

ዲብ እሊ ለህሊነ ዲቡ ዘመን ሸዐብ እዲነ እብ በላዩን አው አላፍ መላዩን ልትዐለብ ህላ። ምን መደት መትከላቁ ህዩ ቅደስ ለአለቡ አዳም ፈነ ወእሉ ለበድል ሐዲስ አማም ትወለድ። ሕናመ እሎም ዮም ለህሊነ እምብል ለህሊነ ፈንጎሕ እግል ነህሌ ኢኮን እግል ነዐርዮምቲ። ክመ በዐል ተሊለት ለቤለዩ።

አነ ቤቼ ኢኮን ቤታ ትኮበት
አነ ቤቼ ሐንለ ደርቦበት
ገሌ ሰምቦት ልብል ወለዐልብ
ፍጉር
ወገሌ ሼልብ ህለ አሰክ ሰጡር
አነ ቤቼ ኢኮን ቤታ ብኩር
ልነጂኒ ምኑ መለክ ግርጉር።

አይወ እለ እት እነብር ለህሊነ እዲነ ካቲማህ እንዴ በጽሐት ወድ ሚንድም እትለ እዲነ ሀለዮቲ ለአከትም። መንኣመራ እብ ክእነ ልተላሌ ገብእ ህዳይ፣ ዕምሰኑ፣ ወሊድ፣ ወለኢተርፍ ሞት ንፍቲ ወንእቤ ለልትበደል ኢኮን።

ወል እግል አቡሁ፣ አብመ እግል አቡሁ፣ አብዕብ እግል አብዕቡ ዲብ በኬ ወጃምምቲ እለ እዲነ አሰክ እለ ለበጽሐት። ቀቢር ዲብ ሕፈር ወአንደዶት እብ እሳት ግረ እላመ ለተርፍ ኢኮን እግል ለአተላሌቲ። እነብር እንዴ ዐልነ ዲብ ደንጎባ እብር እንዴ ሐሌነ እብ ምርኩሽ ዲብ ንትመንቀሽ አሰክ መንገአት ሞት ለእንሸሕግ ወባብ ሞት ኖሰነ

ለእንከርኬሕ። እሊ ህዩ በዲር ለዐለ ወለህላ ወግረ እላመ ለኢልትበደል ወለኢተርፍ በክትናቲ። ትትወለድ፣ ትሸሕግ፣ ታክብ፣ ገናድል፣ ተአለምቤ፣ ተዐቤ፣ ትሸንግል፣ ደግልል ወእት ደንጎባ ህዩ እት ናይ ሕበር ቤት አማን ትትሐዮብ።

ሐያት አው እዲነ ህዩ ዲመ ሕያይ እት እንተ ለትነብር እት ኢኮን። ሐያት ወድ አዳም ምነ ትትከለቅ

እት አሰክለ ተኣከትም ኢነት ለተሐልፍ እቡ አሰቡር ዲብ ሕድ ለተሐባለክ እት ገብእ። ወድ አዳም ምነ እት ገጽ ምድር ለልዝሀር እቲ ወክድ። እብ ብዙሕ አሰሉል ሐያት ለሐልፍ። ዲብ እሊ አሰሉል ሐያቲ ህዩ ፈሬሕ ወልትለወቅ ልግሄ ወለሐዝን። ለዐልል ወለሳቅር፣ ልውዴ ወጸርጽር፣ ለኢጣፍሐት ገበይ

እዲነ እግል ለአዋፊሕ ጀርብ። እግል ሀለዮቲ ናድል ወልትገሐል። ምነ ህለ እት እግል ልሰኔ ወልሐሰ ልተም። ለሳድፋ መሳድድ እንዴ ባተክ እት ረሀየት እግል ልትዐዴ ጀርብ። ለሐልፈ እብ አሰሉል ሐያት ዲብ ልዘከር ህዩ፣ ለናይ ምስተቅበል ምኑ እግል ልሐሰ ወለዚድ እሉ ልተም። ላኪን ሐያት ህዩ ትእኬ ወትሰኔ ብዙሕ ምን ኢትሻቀል እብ ልትፈደል።

እግልሚ ሐያት ወቀይ ወትምጅት ሰበት ገብአት ህዩ እት ሐያት አሰክ ህሌክ ህዩ ብዝሕት ሸቄ እት ወሕድት ተም። ሐያት ዲመ ለትነብር ወለትጸገብ ኢኮን። ሐያት በልሽም ሰበት ገብአት ምን

ሐሊተ ወለዐል ኢትትገሀፍ እት፣ ለትነብሩ ወክድ ሕዱድ ወቅዩስ ክምቲ ኢትቅዌ። እት ናይ በልሽም ሐያትክ ህዩ ፍረሕ እት ወአግኔዕ እቤ። ዶልዶል ብርሽእ በል ወሰኒ ተሐለም እት፣ ብዙሕ ትሰሐቅ እት፣ ወክፎ ክምሰል ተሐምደ ወትትመሳኔ ምስለ ልብ ክሬ እላ።

ሰበት እሊ ሐያት ሰበርተ ተዐርረዩ፣ ሐያት ፍቲት ትመተዕ እቤ። ሐያት ገሀይተ ከሀላ። ሐያት ንዳልተ ትጣጠረ ወሐያት ገለድተ አትምመ።

ሐያት ህዩ በደላህ ሞት ሰበት ገብአት፣ ሞት ወሐዮት ክልኦት ገጽ ናይ ሐቲ ሓጀት ክምተን ኢትቅዌ ወኢትትረሰዕ። ለሐቆ ሐያት ሽብብ ትብለነ ሞት ህዩ በተን ወአበደን ለትትበደል ኢኮን። ለክትብት እግልነ ህሌት አምዕል ሕነ ምንመ ኢነአምረ ህተ ላተ ሰኒ ተአምረኑ። እግልሚ እሊ ሞት ለልብል ቁል ክሉ ረአሱ

ሐቲህን ትመጽእ ወሐቲህን ትገይሰ። ሐያት ትመጽእ ወትዘውል፣ ተዐይር ወትትፈረር። እግል ላብብ ክምሰል ሕልምተ ወእግል ግሉል ህዩ ክምሰል ትልህዩ ወደአልተ። እብ ዓመት ሐያት ፈረሕ ወክረህ፣ ለውቀት ወሐዘን ምን ገብአት ቲ ህዩ እግል ጽጉብ ክምሰል ተምሰልዩት እንዴ ገብአት ለተአትፋግዑ ወእግል ድቡር ህዩ እብ ዐዛበ ወጅርሰተ እትትሓውሉ ኩዲብ አከይ መንበሮ ወገህይ ትካርዩ። ላኪን ለህይ ወለህይ ለዘት ሐያት እብ ትናሰቡ እግል ለአዳውረ ወእብ ደሚር ናሰሕ እግል ልትከቡት ለአሰትህል።

ክምሰል እት ለዐል ለትበህለት ሐያት በልሽምተ፣ ተዐይር ወትትፈረር። ወቅተ ወዕምረ ሐጨር ሰበት ገብአ ህዩ እት ሐጨር ወክድ ትመሳክዩ። ፍረሕ እት ወትለወቅ፣ እግልሚ ለዲብ ሐያት ወእብ ሐያት ለትትመትዑ ወቅት ሰኒ ሐጨራይ ሰበት ገብአ። ሐያት ህዩ ንኢሸት ሰንዐት ተአትሐዘ እግል ፋርሐት ሐያት፣ እለ ክለ ምስልክ ዲበ ትሄርር እብ ገራቢት ህሌት።

ከእለ ሐያት ለክትሰሰ እት ሰነት 2007 ደረሰ ሳልሕ ሐርቢ ወመሐመድ ዑሰማን ሐጃጅ እድንዳ እብ ልብል አርእሰ ሸዕር ከትቦ እት ህለው እብ ሰበት እድንዳ አው ሐያት ለሞት አፍካር እግል ልበርብር እንዴ ቢለውቶም ከገሌ ምነ እግል እድንዳ አው ሐያት ለቤለው ከሊማቶም እግል ንርኡ።

ዳይመት ኢኮን እድንዳ -
ወሸቲት ላቲ መክሐቀ
ነሰኦ ክምሰል ሐዘት - ትብትክ
ምነ አቅሩደ



እመር ኢኮን ሰ'ደ -
ወኢልትቀረሰ ሕዱደ
ግሱይ ትነሰኦ ወገንድል - ሕያይ
ወለሰዱደ
ጋይሰት ተ እለ ሐያት - ወፋኒቲ
ጅዱደ

በላሊሶተ እድንዳ - ሰርቤብ ተ
ወብዛይ

መለሀያቲ እድንዳ - ገሀይ
ወለአኖካይ
ወዴንተ እድንዳ - ሰሉፍተ
ወዕዳይ
ክም ሐዘት ነሰኦ - ክረም
ኢትብል ወሐጋይ
ኢተዐራሬ እድንዳ - ግርዝ
ወለመንደላይ
ክም ምራደ ተአጀርጥ - ተዐድግ
ክም ንዋይ


ወርብትተ እድንዳ - ቃሰዩት
ረአሰ ቅራር
ለአምነ አለቡ - ወሰክብ እብ
እንቅዕራር
ዎርት ተአተርሁ - ክትሸርቡ
እብ ተራር
ዎርት ተአሀርሱ - ተአቀንጹ
ምን ምክራር
ዎርት ዐለ ልቡሉ - ቃንጽ ዐለ
እት አግዋር
ዎርት አሰተሸህደ - ልቡሉ ሞታ
እትወራር
ረቢ ልክረዐ እድንዳ - አለባቲ
ቀራር፣


አማንቲ እድንዳ አው ሐያት ፍቲት ወለኢትትመሸግ መስል እትነ። ላኪን ሐያት ወሞት ለኢልትፈናተዩ ክልኦት ሰምዋ ናይ ሐቲ ሓጀት ክምተን ምነ ምተልትለት አው ሰብ ተሊለት ክምሰሁም ምነ ሽዕረ ለቤለው ከሊማት ዝያደት ልብ እግል ንክሬ እትን እንቀድር። እግል እት ልሰዕ እት ሐያት ለህለው እግልሚቲ እግል ትንበሮ ለተሐዘ እንዴ ትቤ ምን ትሰኦል። ለለኦትሰሕቅ አው ለትዐጅብ በሊሰ ወረኩበኩ። ሰርም እንዴ ወለድኮ እግል ዓቤ ወላድ ወላጃ እግል እርኤ ወበለው። ሰርም ህዩ እግል ሳድፈኒ መታክል ወአሰቡር ሐያት እንዴ ተዐርሬት ዲብ እወድቅ ወአቀንጽ ለናይ እዲነ ኩንትራቼ እግል ኢትተርፍ ሞት እሰልም፣ እግል ሊበሉ ቀድሮ። ሰር ገሌ ህዩ እብ ሓያቶም ዲባ ጸነሐ ዲቡ እዋን ዐባዩ

ምስተንክራት እንዴሐቀቀው ዲባ እግል ዲማ ለልዘከር ሰጅል ታሪክ ሰሚቶም እንዴአሰመው እግል ልሕለፎ ወሐዘው። እብ ዓመት ክምሰል ሓዘ ወምራድ ወድ ሚን አድም ለ ት ፈ ና ተ አ ብ ሳ ር

ወለትፈናተ ዐሸም ወቀርብ ዐላ። እሰውቲ ለራቴዕ ወእሰውቲ ለካዋእ እንዴ እምቤ ምን ንትሃጌማ ለእንክረክቡ ሐል እግል ለህሌ ኢኮን። ላኪን ሕነ ዲብ እለ እዲነ አሰክ ህሌነ ሚ እግል ኒዴ ወጅብ። ንሕሰብ ወነአሰተንትን።

ትተላሌ.....





አክባር ሮዶድ ቦለም እብ ሐጮር

ርዶል ማድሪድ ወባርሽሎን



ሰንበት ንኢሽ ዮም 3/12/2016 ዲበ ገብአ ጅግረ ክላሲኮ ሚርሓይ ላሊገ ሮዶል ማድሪድ ምስል ባርስ 1 እብ 1 ሰበት ትፈንተ እግለ ዐለ ናይ ስስ ንቅጡት ፈርግ ሐፍዘ። ሰዋረዝ እግል ባርስ እምሩሐ ምንመ ዐሎ፡ ማድሪድ ዲብ ማይት ወቅት እግል ትትመጣወር ቀድረት።

ፕሪመር ሊግ ወማን ዩናይትድ

ማሌሊህ ቀዳሚት ዲብለ ገብአት ትልህዩ ፕሪመር ሊግ እንግሊዝ ማን ዩናይትድ ወኤሽርቲን 1 እብ 1 ትፈናተው እበ ፍገሪት ህዩ ዲብ ሙደርብ ማን ዩናይትድ ሞሪኖ ለአሰመነት ወርጡት ሰኒ ወአማን እግል ልኬልመ ክምስል ቀድር ተሐበረ።

ቶተንሃም

ሄጅማይ ቶተንሃም ሃሪ ኪነ እግል ወሱክ ስስ ሰነት ዲብለ ናዲ እግል ልጽነሕ ክምስልቱ ልትአመር። ለወድ 23 ሰነት ላቱ ሃሪ ግረ እለ ሰነት እላመ ዲብለ ፈሪቅ እግል ልጽነሕ ክምስል ለሐዘ አትአመረ።

ጀርገን ክሎፕ

ሙደርብ ሊቨፑል - ጀርገን ክሎፕ ፈሪቁ እብ ቦርንማውዝ ለጀረ



እቱ ናይ 4 እብ 3 ፈለል ሰኒ ክምስል አግህዩ ተሃገ። ለ ሙ ደር ብ ፡ ምን ግረ እንዴ ት በ ገ ሰ ት ለ ተ ዐ ወ ተ ት ቦርንማውዝ ለዐውቱ ክምስል ለ አ ስ ት ህ ላ መ ተሃገ።

አርሰናል ወባሰል

አርሰናል ምስል ባሰል ዲብለ ወድዩ ትልህዩ መዳፈዓዩ ሂክቶር በለሪን እግል ለአተልህዩ ክም ቀድር ተሐበረ። ለመተልህያይ ዲብ ቀሳይቱ እበ ሳደፈዩ ደረር እግል ሐምስ ትልህያታት ክምስል ቁበ ለልትአመር እት ገብእ፡ ማሌ ለህ ዲብ ተማሪን ሰበት አቅበላቱ ምስል ፈሪቁ እግል ልተልሄ ክምስል ቀድር ለተአመረ።



ከ ረ ት ፍ

ሙደርብ ማን ዩናይትድ ሆሴ ሞሪኖ፡ ዲብ ወሬሕ ዩናይር ክልኦት መዳፈዐት እግል ለአፈርም ክምስል ቀድር ተሐበረ። እበ ወድ ፖርቱጋል ሙደርብ ዕን ክሪት እቶም ለህሌት መተልህዩት፡ ናይ ሰውዝሃምተን ወሻን ዲጂክ ለፈዳብ መተልህያይ ናዲ ባዩር ሙኒክ ዴቪድ አላባ ቶም።

ዴማት ደደሊ ሚረር

ኤረትሮፍን አትሌታ

ኤረትሮፍ እት መጃል አትሌቲክስ እብ ዓመት ዲብ ብድረ ሰር መራቶን ወመራቶን ህዩ እብ ፍንቱይ እብ አውለውዩት ምን ልሰመዩ ድወል ጋብአት ህሌት ምንመ ልትበህል አትራዛቅ ኢኮን። ዲብ ብድረ ሰር መራቶም እብ ፍንቱይ እብ ገበይ ንጉሰ ናይ እሊ ጅግረ እሊ ዲብ ልትበህል ለትሰመ ዘርአሰናይ ታደሴ እንዴ ወዴት መዳልያት ደሀብ ትሰርጌ እት ህሌት፡ ዲብ ጅግረ መራቶንመ ቀደም እለ እብለ ተጃርብ ለሰም አትሌታት ሰሚተ እንዴ ወቀለት አዜመ እብ አትሌት ግርማይ ገብረሰላሴ ምን ሐዲስ ራዩተ ወቅል ህሌት። ዲብለ ሐልፈ ወርሕ ሻምፕዮን መራቶን ዐለም ግርማይ ገብረሰላሴ እግለ እብ ደቅቡ ወሰነኛህ ምስል ሳልፋያም ብድራታት መራቶን ለልትህደግ ኒውዮርክ መራቶን ክምስል ተዐወተ እቱ ለልትአመር እት ገብእ፡ አዜመ ዲበ ሐልፈዩ ሰባ ኣምዕል ብዝሓም አትሌታትን ዝዩደት ዐውቱታት ሰጅላም ህለው።

ዲብ ጽርግዩ ብድረ ሰሚተ ትትወቀል ለህሌት አትሌት ናዝሬት ወልዱ፡ ዲበ ሐልፈት 13 ኖቨምበር ዲብ ቻይነ እትለገብእ ጅግረ ሰር መራቶን ምን መትባድረት እንዴ ትወቀለት አወላይት እንዴ ገብአት ጅግራህ ክምስል አትመመት ሸበኩት ረስምዮት ናይለ ጅግረ እግል ሰወር ናይለ አትሌት እንዴ ነሽረት ሐበረት። ዲብ እለ ጅግረ እለ ዲብ ውላድ ኤረትሮፍን አትሌታት ጸጋይ ሞዑማይ ካልኣይ፡ መጎስ ሹማይ



ህዩ ሓምሳይ ደረጀት እግል ልጽበሞ ምን ቀድረው እግል ዐውቱ ኤረትሮፍ ምን ሐዲስ ክምስል ደምቅ ወደው።

አትሌት ናዝሬት ወልዱ ግራለ ብድረ ዱቅሪ እት ኤረትሮፍ እንዴ መጽአት ተማሪን ሐቆለ ወዴት ምን ሐዲስ አሰክ ቻይነ እንዴ አቅበለት ማሌ ሰንበት ዐባይ ዲብ ጅግረ ሰር መራቶን ናኒ አቱት ወሳልሳይት ፈግረት። አትሌታት ጸጋይ ሞዑማይ ወመጎስ ሹማይ ክምስል ናዝሬት እት ኤረትሮፍ እንዴ ኢለአቀብሎ ዲብ ቻይናህም እግል ሰለስ ሳምን ተማሪኖም ለአተላላ፡ ጸንሐው።

ዲብ አርብ ዶል ንትዐዴመ ዲበ ሐልፈት ሳምን ዲብ ሰገንዩ ዲብለ ገብእ ናይ ሰዐይ ተቃርብ ኤረትሮፍን አትሌታት ለዲብ ቻይነ ለትረከበ ነበር ለለኣደምቅ ዐውቱቶም ለሰጀለው። ዲብ እሊ እብ እድንያይ መሕበር አትሌቲክስ በህለት ያፍ እዕትራፍ ለቡ ጅግረ አትሌት አርን

ክፍሌ ካልኣይ፡ ሐሁ ምንኣሹ አትሌት ዮናስ ክፍሌ ወጎይትኣም ክፍሌ ህዩ 5ይ ደረጀት እንዴ ጸብጠው ብድራህም ክምስል አትመመው ረስሚዮት ሸበኩት ሐብሬ ናይለ መሕበር እበ ነሽረቱ ከበር እግል ልትአመር ቃድር ህለ።

ዐውቱ ኤረትሮፍን አትሌታት እብለ ዶአክተመ እትለ ሐልፈ ሳምን ዲብ ሰገንዩ መዲነት ባርሰሎን ዲብለ ገብእ ሰዐይ ተቃርብ ሰሚቱ ትትወቀል ለህሌት አትሌት የማይ ሀይለሰላሴ ምን ህቱ ልሰዴ እቲ ናይ ስቱፕል ቼስ ጅግረ ወኪንመ ሐለት ወደቅብ ክምስል ቡ ለልሸህድ ነበር ጃቀፈ። ናይ 3000 ስቱፕል ቼስ ናይ ኤረትሮፍ አወላይ መዳልያት ዲብ ፖላንድ ለነስአ ዲብ ጃንዮር ወሲንዮር ናይ እለ መሳፈት እለ ወጠኒያይ ረቅም ቅያስ እብ ሰሚቱ ጸብዮ ለህለ አትሌት የማይ እግል እሊ 99 ኪሎሜተር መሳፈት ለገልብብ ጅግረ አወላይ ደረጀት እንዴ ጸብጣቱ ለአትመመዩ።

ጅግረመካይን ወሞቶርሳይክል

እስቲፋኖስ ወይትባረክ ፍሰሃዩ እንዴ በድረ ዕዉት ናይለ ጅግረ ገብእ።

ዲብ እሊ ፊአት ፊያት 127 ለጸብጠት ፊሽን ክብርም ምስል ውላድ ተብሸን መትባድረት ለወዴቱ ጅግረ ክምስል ዐላመ እግል ልትህደግ ቀድር። እግል ካልኣይ ወክደ እት ጅግረ መኪነት ትሻርክ ለህሌት ፊሽን እበ አርኤተ ቡዳሪት እብ ወጠኒያይ ፈደረሸን ካስ ተህዩበት።

ሰኒ ጅግረ ወኡብ ብዝሐመ ለሻረከው እቱ 1300 ሲሲ 13 ደውረት ገልበበው። ቶማስ ያቅብ አወላይ ፈግር እት ህሌ፡ ሮቤል ክብርም ወሰናይ ተመሰገን ህዩ ካልኣይ ወሳልሳይ እንዴ ገብአው ጅግራህም አትመመው።

መትባድረት 1600 ሲሲ ዲብ ክልኤ መጃሚቶም ለአተው። 18 ደውረት ህዩ ገለበበው። እትለ መጅሙዐት እለ ጸሃዩ ገብዱ፡ ሮቤል መጃሚ ወሚልክያስ ሮእሶም ልዐውቶ እት ህለው፡ ምን መጅሙዐት ክልኤ ትልህዩ ሰኔት ለአርኣ

ሻብ ዩነታን ሙብራህቱ እግል ቲድሮስ ናይዘጊ ወርቤል ፍቃዱ እንዴ ሐልፈ ተዐወተ።


ዲብ 1800 ሲሲ ሰስ መትጃግረት ቶም ዲብ መዋገስ ኣካን ለሐድረው። ሐሬ ክምስል ልትጃገር ለኣከደ በዐል ተጅርቡት መትጃግራይ ሊዮናርዶ ሞዲቺ እበ ፊያት 124 ለጅንሰ መኪነቱ ምስል ኣበ ዶሕደን ፕላክስዋገን ጎልፍ ለወድዩ ጅግረ ሰኒ ጀዛበት ዐለት። እብ ተውሳክ ሸውዩ ክርም ብህላም ለዐለው ጎይትኣም ሰለሙን ወቲድሮስ ለአርኣወ ጅግራሙ ሰኔት ዐለት።

ዲብ ደንገበ ሳኪን እግል ኣበ ለአጅገረ ሊዮናርዶ አወላይ ፈግር እት ህሌ፡ ሐበን ህዩ ሳልሳይ ፈግረ።


ዲብ ጅግረ 175 ሲሲ ሞቶር ሳይክል ቢንያም መሓሪ አወላይ ፈግር እት ህለ የውሃንስ ኢትባረክ ወእምባዩ ሳምኤል ህዩ ካልኣይ ወሳልሳይ እንዴ ገብአው ጅግራህም አትመመው።



ዲብለ ምን ገጽ ፈጅር ለገብእ 8 ደውረት ብድረ እብ 1000 ሲሲ ኣምቡተው። ዲብለ ክሎም መትጃግረት ፊያት ለኩዐን መካይን ለሻረከዩ እቱ ጅግረ ኣቤል ዳዊት እግል ሰናይ ዶሕደን ወክሕሳይ ሐሰን እንዴ አትዐረ ተዐወተ። ሕድ እብሸሸብህ ገዳይም መትጃግረት 1000 ሲሲ ዲብለ ወደው ብድረ ህዩ ፊያት 127 ሰውግ ለዐለ ዐወት ወልዱ እግል ሳንቸ ለጅንሰ መኪነት ሰውግ ለዐለ ሚካኤል



እብ ፍክር አንሳት “እናስ” ለልትባህል ከፎቱ ገብኝ?



አንሳት እግል ውላድ ተብሎን ልሽረሐ ለልትነፍዐ እብ እምር መሰል ህሌት፡ ህተ ህዩ “አዩ ስርዋን ለልብሰ ሚዶል እናስ ገብኝ” ለትብል እሊ ህተን እናስ ለልብላህ እብ ናይ በረህ መባትክ ለኢገብኦ እብ ናይ ጅዋሁ ግርመት ወጠቢዐቱ ክም መዝናሁ ለተሐብር መሰልተ፡ ሰባት እሊ እናስ እብ ናይ በረህ ትርድ ነሐሩ እንዴ ነፍሐ ኣነ እናስ ኣነ ምን ልብልሙ፡ አንሳት ኢፋልክ እብ ናይነ ሚዋን እናስ ይእንተ እግል ለባህሁ ቀድረ በህለት፡ ከጠይብ ለህተን እናስ ልብላህ ከፎ ክም መሰልቱ እግል ነኣምር እሊ ለተሌ ንቃዋ ንርኢ፡

ፊታይ ወመሐምዳይ፡ 72% ምን አንሳት ምሴ ወፊጅር ናይ በረህን ወጅዋህን ግርመት ለዘክር ወለ ለሐምድ ወድ ተብሎት እብ ሚዋንን እናስ ልብላህ፡

መተክርያይ፡ ምን መለገት

ለለአተክርየን፡ እት ለገብኦ ወ ቅ ት “አብሽርክን ህሌት እክን” ለልብለን፡

ሽ ረ ፈ ን ለ ለ ዐ ቅ ብ እ ግ ለ ን ፡ 90% ምን አንሳት ሽረፈን ለ ለ ዐ ቅ ብ እግልን ወድ ተ ብ ዐ ት ለሐርየ፡ እሊ ህዩ ክልዶል ግ ራ ህ ን

ጸጋይ ላኪን ኢምጠራይ፡ ገሌ መጠረት ላቶም ውላድ፡ እግል ተብረርም ክም ጸገት ለለሐሰብ ሕዳም ኢኮን፡ ላኪን ፍንጌ ጸገት ውተብረር ዐቢ ፈርግ ህሌ፡ አንሳት እግል እሊ ፈርግ እሊ ሲኒ ለአምራሁ ወሽቅየ እቡ፡

እምብው ለኢሊሐብሰ አውርሐም፡ እት ወቅት ሐዘኑ እምብው ለኢሊሐብሰ፡ ምን ዕንታትክ ለትፍግር እምብው፡ ሐዘኑክ ወአሰፍክ ለሽርሕ ሰምዒት እግል አንሳት ሲኒ ሳልበን፡ ላኪን “እናስ እግል እትባህል እንዴ ትቤ ቡዳይ እግል ትግበኦ አለብኹ፡

መስሕቃይ፡ ለጠላሐ ወቅት እናስ ክቡድ ወግወይ እግል ልግበኦ ቡ ለልብል ብሂል እብ ብዘሐም ልደጋገም፡ ምናተ አንሳት ምስለን ልግበኦ ወምስል ውላዱ ወአቃርቡ ሕዱዱ ለኢሊሐፋ ለለአትሰሕቅ ወድተብሎት ሲኒ ፈትያህ፡

ርያዲ ወምን ወለፍ ሕር ላቱ ሕጻን፡ ክእነ ጠቢዐት ልቡ ሻብ እብ አዋልድ አንሳት ሲኒ ሕዘቱ ተ፡ ሰበቡ ህዩ አንሳት መባትኩ ግሩም ወነዲፍ ሕጻን ሲኒ ሳልበን፡

እሊ እት ለዐል ለትሽርሐ ንቃዋ ገሌ ምን እብ ሚዋን አንሳት እናስ ለለአተክብል ጠባይብ፡ ምንቶም ሰብ ለኢገብኦው? ለትብል ሰኣል ህዩ እት ወቅት ሓር እግል ንቅቅለ ተ፡ ኣነ ላቱ ምን ትባህል ገሌታይ ሰበት ብዩ ፋርሕ ህሌት እዩ ለአምስለኩም፡

ከኪትፊትሐ ህዐሳኸክ

ስድፈት መትሸራብ

መኤምረት ዕለም፡ ለገብኦ ለልተምተም ሓጅት ስድፈት እምበል አሰር እግል ልትሸራብ አው ምክራዩ እግል ትቀዌ ኢቀድር ለልብል ፈህም ቦም፡ ምናተ ስድፈት መትሸራብ አው ቢደ ናይ ለትፋናተው አንፋር ሳድፍ ህሌ፡ አሰክ ኣዜ ህዩ መስኦላቱ አው ምስጢሩ ፍቱሕ ኢህሌ፡

እት ሰነት 1880 ኔብራይ መዲነትጎልተን አሚርክላቱሐረስታይ ዴቪድ ላንግ ምስል እሲቱ ወናየ መዲነት ዳገዩ ለዐለ መለህዩ ኦገስት ቡውክ እንዴ ገብኦ፡ ምስል እትይ ገርህቱ ልትዓወል ለዐለ ተሻሻይ እት ልትሃጅክ ስድፈት ምን ቀደመዋም ቢደ፡ ለባዋራም እት ዐለው ኣካን ትርብት ትርድት ወምስግር ለይኦለብ ሰበት ዐለት እብ ድንጋጽ ክርት-ምርት ቤለው፡ እት ኣክር ዳገዩ ኦገስት እት ዴቪድ ባዋር እት ለዐለ ኣካን እሻረት እንዴ ወደ እግል ቦለስ አሰኦላ፡ ቦለስ ወአግዋር እት ደዋይሕ እግል ሳምን ፈተሸው፡ እት ክምስልሁም እት ህቱ ለባዋር እሊ ዐለ ኣካን ሓድ ሐምስ ምትር ገጽ ተሐት ሐፍረው፡ ላኪን ዴቪድ ረኣሱ ወመኦሱ ኢትረክቡ፡ ወለት ብክፋ እግል ዴቪድ ላቱ ሳራ እት አብህ ለቢደ እት ኣካን “ሳረ ወለትቹ ርድኢኒ” ለልብል ክርን ሰምዕ ክም ዐለት፡ ሐቕ ሳልስ ዮም ላኪን ለክርን ክም ቦዴት ሸርሐት፡ ምናተ ደህይ ዴቪድ አሰክ ዮም ምክራዩ ቅዊት ህሌት፡


ምን 1946 አሰክ 1950 እት አምሪካይት መዲነት በንቲጎን ሰለስ ናይ ስድፈት ብደ ሐሰለዩ፡

እት ሄለል ኖመምበር 1946 ፓውላ ዊልደን ለትብህል ወለት 18 ሰነት ምን ዋልዴን እብ ናይ ሰለስ ምትር ሪም ቅድም እንዴ ትቤ እብ ደፋዩ ትሄርር ዐለት፡ ባዮት ሰከት ባቡር ናየ

መዲነት ክም በጽሐው ላኪን ፓውላ ስድፈት ምን ዕንታት ዋልዴን ቦዴት፡ ምን ኢነት ለህ ህዩ አሰክ እሊ ዮም አሰረ ወረኣሰ ኢትረክቡ፡

እት ሰነት 1949መ ቲትፎርድ ሻይብ ዲብ ባሰ ምን ኣልባንዝ አሰክ መዲነት በንቲጎን ሳፍር ዐላ፡ ለሰፈር ረዩም ሰበት ዐለ እት ምግብ ቀመቲት እንፋር ዐላ፡ ለጽዑን እት ዐለ ዐረብዩት መዲነት በንቲጎን ክም ኣቱት ቲትፎርድ ስድፈት ምን ቀደምለ ምስሉ ሱፍራም ለዐለው 15 ነፈር ቢደ፡

እት ኣክቶበር 1950 ሳራ ሃሪ ለትብህል እም ምስል ወልደ ጊብሶን እት አፌት ቤተ ትተልሂ ዐለት፡ ስድፈት እግል ወልደ ለሾተየ



ክብሪት እግል ትብላስ ድንን ክም ትቤ፡ ወልደ እት በዋር እት ለዐለ ኣካን ኢጸንሐዩ፡ ሳራ እት ናይ በል-ሸም ወቅት ወልደ እምበል ክርን እግል ልሸረብ ምን እግል ትእመን ኢቀድረት፡ ለእብ ሓዚ እግል ልትረክብ ለኢቀድረ ጅኑ እት 90ታት ኣትየት ለህሌት እሙ ላኪን ክመ ስድፈት ለትሸረብ ምንዩ ስድፈት እግል ልምጸኒ እሰኡ እት ትብል ትጸበር ህሌት፡

• ሐቱ መኦሰሰት ጃፓን፡ አሰክል እት ሐዘን ወወርጤ ለልትረከብ አንሳት እንዴ ጌሰው ለለአትሳጅዮ ፡ ለለአትአዝዋ ወለለአትሓዋር ውላድ ሰዩሳም “ኢኪሚሶ” ለልትባህሉ እብ ሸክል እጃር እዱሊት ክም ህሌት ሐበረት፡ በዐለ መኦሰሰት ላቱ ሂሩኪ ቲራይ፡ እግል “ኡዲቲ ሰንተራል” ለልትባህል ወሳእል ዕላመ ደውለት፡ ክመ ሸርሐይ፡ አዋልድ ጃፓን ዓመተን ወአዋልድ መዲነት ቶክዮ እብ ፍንቱይ፡ እብ ትሉሉይ እት ናይ ሸቅል ደቅዋ ሰበት ህለዩ፡ ዶል መሸከለት ሳድፈን እትለክኪት ሓለት ወለደምር ምስዳር እግል ኢልብጸሐ፡ ለለአትራሰዮ ፡ ለለአትፋግዎ ወአብሸር ለልብሉ ውላድ ሰዩሳም እንዴ ደረብ እግል ክድመት ብርንቶ ክም ወደ ወደሐ፡

እግል እሊ ክድመት እሊ ለተሐዘ አንሳይት ህዩ፡ ዲብ መኦሰሰት እንዴ አተሰለት፡ 65 ዶላር ደፍዕ፡ ሐቕ እሊ እት ኣካን ሸቅለ እንዴ መጸየ እት ነሐሩ እንዴ ሐቅፈዩ እምበላ ለማሰስ እግል ወአብሸርኪ ለልብሉ ወድተብሎት ተአጅር በህለት፡

“ኢኪሚሶ” ክም ንዩተ ዘባይኖም ለትፈናተ ጠባይዕ እግል ልልበሶ ቀድሮ፡ መሰለን ክም ኣብቱ ሐ፡

በዐል-ሻመን፡ ላቡብጎረን፡ ወለመሰሉ እንዴ ትመሰለ አሰክ መሻክለን እንዴ ትረሰዐየ እት ወቀይ ክምስል ልትፈረረ ወድወን፡

እብ ህግዩ ጃፓን “ኢኪሚሶ” ክልኡ ዘዐት ለትክምክም ተ፡ “ኢኪ” ሻብ ሕፋን ለትብል መዐነት ተህይብ እት ህሌት ፡ “ሚሶ” ህዩ፡ እንብዕ በህለት፡

• ዎርት እብ ሻም ሐቱ ወለት ለትህነ ወድ ታይዋን እት ቀበት ክልኡ ሰነት ሴጠ ሐድ 1320 ናይ ፍቲ ጀዋባት ወዕምባታት አሰክ ለፈተየ ወለት ለኣከ፡ ለጀዋባት ወለ ዕንባታት ለኪን ዕዋን ልእካይ አለቡ፡ “ሲኒ እፈተኪ፡ ጅንሰዩትቹ



ላኪን ክም ትከብትኪኒ ወሲኒ ቲልኪኒ ሌግቱ ለእሸርሐ እግልኪ” ለትብል ሐብሬ ተለይቶ ናየ ጀዋባት ዐለት፡ እብሊ ለትረበሸት ወለፈርህት ወለት፡ እግል ቦለስ ሐበረት፡

ቦለስ ሐቕ ብዘሕ አትጫራይ፡ ለእት ጀራይድ ታይዋን “ለከጃል ፈታይ” ለትብል ለቀብ ለትህደቡቱ ወእተ ለፈትየ ወለት ለትሸቁ እት መኦሰሰት እግል ሰለስ ሰነት ሸቁ ለዐለ ክምቱ ተኣክደው፡

ለወለት እብ መሻቂተ ወእብ ለቅሰት ቀርኦ ለዐለው አንፋር ብዘሕ ምክር ወክትል ሰበት ቀርብ እተውለህ እብ ሻም ምስል ኔድኣይለ ጀዋባት እግል ትትቀረን ምንመ ኢሰምሐት ምን ሸክ ሳምሐቱ፡ ለለአትፈክር ላኪን ለወለት ምስል እግል ክልኡ ሰነት ለጀዋባት ጎርት እት ወእብ ናይ ሻማት ጀዋባት ለአውህሌ እት ለዐለ ሸቃላይ ቤት ቡሰጠት ሻም እንዴ አሰሰት፡ ምስሉ እግል ትንበር ቀ ረ ረ ት ። ዐጃይብቱእግል ክእኒ መሰልቱ ግምቦ በለስ ለልቡሉ!!

ቅሶት ሱረት

ጃፓንዮን፡ ደውሉቶም እት ካልኣይ ሐርብ እዲን እብ ጣእራት ሐርብ አሚርክ ክም ደመረት እዲሆም ኢህበው፡ ፈጅረተ ለአራውሕ ዐሰርታት አላፍ ለነሰእት ደማር፡ አጀኒቶም እት መድረሱቶም ክም ለአለቀብሎ ወደው፡ እሊ እት ለዐል እንርእየ ለህሌት ሱረት ህዩ ሐቱ ምን ምህማት እግል ሰሙድ ጃፓን ለሸርሐ ስወርተ፡ ለደረሰ እቱ ለደመረት መድረሱቶም እንዴ ገብኦው፡ ድራሱቶም ታብዎ ህለው፡ ናይለ ወቅት ለህይ ደረሰ ጃፓን፡ ዐዶም እትሊ ባጽሐቱ ለህሌት ደረጃት እግል ትብጸሕ ዶሮም ሲኒ ዐቢቱ፡

